

პირველი



24



1929

სახელგამი

საკავშირო კომპარტიის (ბ) ბელადი ამხ. სტალინი

„ქრისტეს შობა“ ხუცავის მიერ გამოგონილი ზღაპარი

ძველი მთავრობა ყოველ ღონეს ხმარობდა, რომ ხალხს გონების თვალი არ გაეხილა. ნიკოლოზის მთავრობა, მისი სამღვდლოება და მისი კანონები სასტიკად იცავდნენ ქრისტეს შობას და აღდგომას. რატომ? იმიტომ, რომ არ უნდოდათ მშრომელ ხალხს სიმართლე გაეგო. ბურჟუაზიულ კლასს თავისი ბატონობის შესანარჩუნებლად ორი ძალა ესაჭიროება: ჯალათი და მღვდელი. ჯალათი აწამებს, ჰკლავს. მღვდელი ამშვიდებს შეურაცხყოფილ და გაუბედურებულ ხალხს და ეუბნება: „რამდენად უფრო იწვალებ ამ ქვეყნად, რამდენადაც უფრო მეტს მოითმენ ჩავკრას, იმდენად მეტად დაგაჯილდოებენ საიქიოში“.

ყველა ძველ ხალხს — ასურელებს, ირანელებს, ინდოელებს, ეგვიპტელებს და ებრაელებს, რომლებიც მიწათმოქმედებას და მეჯოგეობას მისდევდნენ, სწამდა ღვთის დაბადება, შემდეგ მისი სიკვდილი და აღდგომა. ქრისტიანებს ჰგონიათ, რომ მხოლოდ მათი ღმერთი იშვა. ეს არ არის მართალი. შობის დღესასწაული ველურობის დროს წარმოშობილია და ამ დღესასწაულს არც აქვს რაიმე კავშირი ქრისტეს პიროვნებასთან.

ძველად შობა ყველა წარმართს სწამდა და მათგან გადმოიღეს ქრისტიანებმა. მზის ღმერთი ძველი სპარსელების, ეგვიპტელების, ბერძნების იბადებოდა ქალწულისაგან 25 დეკემბერს, გამოქვაბულში, ბევრად უფრო ადრე ქრისტეს წინ.

ახალი რელიგიის დამაარსებელი ბუდა, რომელიც ცოცხლობდა 500—600 წლის წინ ქრისტეს დაბადებამდე, გადმოცემის მიხედვით დაიბადა დედოფალ მაისაგან უმამოდ. ვარსკვლავმა მიიყვანა მეფეები საჩუქრით მასთან თაყვანსაცემლად. მეფემ ბრძანება გასცა ორი წლის ბავშვების გაქლეტის შესახებ, მაგრამ ბოლოს მოინანია შეცდომა და თვითონ მივიდა თაყვანსაცემლად ბუდასთან. ბუდა და მათი დევნილნი არიან და იმალებიან ისე, როგორც ქრისტე იმალება თავისი დედით და იოსებით ეგვიპტეში. გადმოცემა ქრისტეზე ძლიერ ემსგავსება ბუდას ცხოვრებას. ჩანს, ქრისტიანებს გადმოუღიათ.

ღვთის შობისა და აღდგომის დღესასწაულების წარმოშობას მეცნიერები ასე ხსნიან:

ადამიანი უძველესი დროიდან გრძნობს მზის გავლენას ბუნებაზე და საზოგადოებრივ ცხოვრებაზე. მზის ბედ-იღბალი მისთვის ძლიერ საინტერესო ხდება. რად-

გან ადამიანის ცხოვრება უსინათლოდ, უსითბოდ წარმოუდგენელია, ამიტომ მზე გახდა თაყვანსაცემ საგნად ჩვენი წინაპრებისათვის. ჩვენ ვიცით, რომ დღე 21 სექტემბრიდან ახალი სტილით თანდათან კლებულობს და დამე მატულობს. მზე თუმცა ანათებს, მაგრამ ცოტათი ათბობს. ასე გრძელდება 21 დეკემბრამდე, როდესაც ხდება მზის მოქცევა, დღე ისევ ზრდას იწყებს, დამე კი მცირდება. ამ მოვლენას დიდი გავლენა აქვს მოელი ბუნების და საზოგადოებრივ ცხოვრებაზე.

ადამიანმა ეს ჩვეულებრივი ბუნებრივი მოვლენა დააკავშირა მზე — ღმერთთან, თითქო მზე — ღმერთი ისევ იშვა. ზამთრის მზის მოქცევას ადამიანი უძველესი დროიდან დიდის სიხარულით ეგებებოდა. აქედან წარმოიშვა ზამთრის დღესასწაული, ანუ ღმერთის შობა, რომელიც ყველა ხალხს ერთსა და იმავე დროს აქვს.

თქმულება, თითქოს ქრისტე სულიწმინდის ძალით ჩაესახა მარიამს, ზღაპარია, სისულელეა. ეს ზღაპარი ძველ დროს შეთხზეს სულიერმა მამებმა მშრომელი ხალხის თვალის ასახვევად და დასამორჩილებლად. აბა რა დასაჯერებელია ასეთი ამბავი, რომ ზეციდან ღმერთი ჩამოვიდა და ქალს ჩაუძვრა მუცელში, რომ ბავშვად გაჩენილიყო.

ქრისტეს შესახებ სწერდნენ ისეთი პირები, რომელთაც ქრისტეზე არაფერი იცოდნენ და მხოლოდ სხვადასხვა ბუნდოვანი ხმები ჰქონდათ გაგონილი. ისინი კრებდნენ ასეთ ხმებს, ხშირად ამ ხმებს უკავშირებდნენ სხვადასხვა ამბავს, რომლებიც ქრისტიანობაზე უფრო ადრე შეეხებოდნენ რომაულ, ბერძნულ და აღმოსავლურ ღმერთებს და გამირებს.

ამგვარად გაჩნდა ათასნაირი ამბავი და თქმულება ქრისტეზე. ყველა გადმოცემა მის შესახებ გამოგონილი ამბავია. მეცნიერებამ საბოლოოდ გამოარკვია, რომ ქრისტე, როგორც პიროვნება, არასოდეს არ არსებობდა. ქრისტეს გაჩენა მეცნიერებამ უარყო და თუ ამ ზღაპარს ჭეშმარიტებად, ნამდვილ ამბად ასაღებდნენ, — ამას სწადიოდნენ გაბატონებული კლასები იმ მიზნით, რომ თავისი მდგომარეობა განემტკიცებიათ.

ს. მ.

შ ი ნ ა ა რ ს ი:

1. გაუმარჯოს ლენინის ერთგულ და მტკიცე თანამებრძოლს, საკავშირო კომუნისტური პარტიის (ბ) ბელადს ანხ. სტალინს	1	7. თომას თხოვნა, — ლექსი, — ი. ქარელიშვილი	13
2. ანტირელიგიური მუშაობა სკოლებსა და პიონერკლდექტივებში — მ. კ.	2	8. მოზარდ მაყურებელთა თეატრი, — ი. აბაშიძე	14
3. აჩრდილი — ანტირელიგიური პიესა, — ა. მ.	4	9. „ნორჩი ლენინელი“, — იანი	16
4. თალოს ლაშქრობა, — ლექსი — ა. ადამია	9	10. „ქრისტეს შობა“ ხუცავის გამოგონილი ზღაპარი, — ს. მ. — გარეკანის მეორე გვერდზე.	
5. ჩაგრულთ მწერალი, — შ. თ — ლი	11	11. ტფილისის მუშები, მუშა კომკავშირელები და პიონერები „შობის“ დღეებში, — შალი — გარეკანის მესამე გვერდზე.	
6. ოსკა, — ი. ჯინჯიხაშვილი	12	12. თამაშობანი, — მ. გორგაძე — გარეკანის მეოთხე გვერდზე.	



კ ვ ი ნ თ რ ი

31 დეკემბერი

№ 24

წელიწადი მეოთხე

1929

საქართველს ბ. კ. ა. ცენტრალური და ტფილისის ბიურო-
ების და განათლების სახალხო კომისარიატის სტალინური
აღზრდის მთავარმართველდების ყურნალი ბავშვებისათვის

კ. ბეჩვაიას, ვ. ლუარსაბიძის, ალიო მაშაშვილის,
ბ. მაისურაძის და შოთაშვილის რედაქციით

გაუგარჯოს ლენინის ერთგულ და მტკიცე თანამებრძოლს, საკავშირო კომუნისტური პარტიის (ბ) გელადს აშხ. სტალინს

მიმდინარე წლის 21 დეკემბერს 50 წელი შესრულდა მას შემდეგ, რაც აშხ. სტალინი დაიბადა. ყოველმა თქვენგანმა იცის, რომ აშხ. სტალინი ლენინის ერთგული მოწაფეა და მუშების და მშრომელი გლეხობის საყვარელი ბელადი, ყოველი ჩვენგანი უნდა ცდილობდეს, რომ აშხ. სტალინით იბრძოდეს მთელი ქვეყნის მშრომელთა კეთილდღეობისათვის.

გავცნოთ აშხ. სტალინის ბიოგრაფიას მოკლედ.

აშხ. სტალინი (სოსო ჯულაშვილი) დაიბადა 1879 წელს ქ. გორში, ღარიბი ხარაზის ოჯახში. აშხ. სტალინი სწავლობდა სასულიერო სემინარიაში. აქ ის სათავეში ჩაუდგა რევოლუციონურ წრეებს, დაუკავშირდა პარტიულ ორგანიზაციას და დაიარებოდა მუშების ფარულ კრებებზე, რისთვისაც სემინარიიდან გამოიცილეს.

1898 წელს ის შევიდა ბოლშევიკური პარტიის ტფილისის ორგანიზაციაში და აწარმოებდა რევოლუციონურ მუშაობას მუშათა წრეებში. 1900 წელს სტალინი ხდება პარტიის კომიტეტის წევრი და მისი ერთ-ერთი ხელმძღვანელი.

პოლიციისაგან დევნილი სტალინი 1901 წელს გადადის ბაქოში, აარსებს იქ ბოლშევიკური პარტიის კომიტეტს და ხელმძღვანელობს გაფიცვებს ქარხნებში.

1902 წლის მარტში სტალინს ატუსაღებენ და ასახლებენ ციმბირში, ირკუტსკის გუბერნიაში. 1904 წლის იანვარში გადასახლებიდან გამოიქცა ტფილისში და სათავეში ჩაუდგა მთელი ამიერკავკასიის პარტიულ ორგანიზაციას. 1905 წლის გასულს აშხ. სტალინი, როგორც ამერიკაევკასიის დელეგატი, ესწრება ბოლშევიკურ კონფერენციას ფინლანდიაში.

1906 წელს სტალინი მიემგზავრება სტოკჰოლმის (შვეცია) და 1907 წელს ლონდონის პარტიულ ყრილობებზე, ლონდონის ყრილობიდან დაბრუნების შემდეგ, პარტიის დაეალებით, აშხ. სტალინი ჩამოდის ბაქოში, სადაც ებრძვის მენშევიკებს. 1908 წლის მარტში მას აპატიმრებენ და ასახლებენ ვოლოგდის გუბერნიაში. აქედან სტალინი მალე გამოიქცა და განაგრძო არალეგალური მუშაობა.

1910 წელს სტალინს კვლავ აპატიმრებენ ჟანდარმები და ისევ ვოლოგდის გუბერნიაში ასახლებენ. სტალინი კვლავ გამოიქცა და პეტერბურგში ჩავიდა. პეტერბურგში აპირებდა მუშაობის დაწყებას, მაგრამ კვლავ დააპატიმრეს და გადაასახლეს ვოლოგდაში.

1911 წლის გასულს სტალინი ვოლოგდიდან პეტერბურგში გამოიქცა, რამდენიმე თვის შემდეგ ის ხელახლავ დააპატიმრეს და ახლა ნარიმის მხარეში (ციმბირში) გადაასახლეს 4 წლით. 1912 წლის ზაფხულში სტალინი ისევ პეტერბურგში გამოიპარა და გაემგზავრა საზღვარგარეთ, კრაკოვში, აშხ. ლენინთან. ამავე წელს აშხ. სტალინი აირჩიეს პარტიის ცენტრალური კომიტეტის წევრად. 1912 წლის გასულს ის ბრუნდება პეტერბურგში, 1913 წელს კვლავ ატუსაღებენ და ასახლებენ ციმბირში, ტურუხანის მხარეში.

1917 წლის თებერვლის რევოლუციის შემდეგ სტალინი ბრუნდება პეტერბურგში. აქ ის აწარმოებს გაცხოველებულ მუშაობას და მისი მას ირჩევენ პარტიის ცენტრალური კომიტეტის პოლიტიბიუროს წევრად.

ოქტომბრის დღეებში ცენტრალური კომიტეტი ირჩევს აშხ. სტალინს „ხუთეულის“ წევრად; ეს „ხუთეული“ იყო ოქტომბრის აჯანყების პოლიტიკური ხელმძღვანელი.

1917 წლიდან სტალინი ცაკის წევრია. 1917 წლიდან 1922 წლამდე იყო სახალხო კომისრად. 1922 წლიდან კომუნისტური პარტიის(ბ) ცენტრალური კომიტეტის ერთ-ერთი მდივანია. 1925 წლიდან კომინტერნის აღმასკომის პრეზიდიუმის წევრია.

სამოქალაქო ომის წლები აშხ. სტალინმა ფრონტებზე გაატარა. სამხედრო დამსახურებისათვის დაჯილდოებულია წითელი დროშის ორდენით.

დღეს აშხ. სტალინი საკავშირო კომუნისტური პარტიის (ბ) ცენტრალური კომიტეტის გენერალური მდივანია და კომინტერნის ხელმძღვანელი.

სტალინი ლენინის სამაგალითო, ერთგული და თავდადებული მოწაფეა, რომელიც შეუპოვრად ანხორციელებს ლენინიზმს.

ჩვენი გულწრფელი პიონერული სალამი და სიყვარული აშხ. სტალინს!..

ანტირელიგიური მუშაობა სოციალურ და პიონერ-კოლექტივებში

ჩვენში, უმთავრესად პიონერ-კოლექტივებსა და სკოლებში, ანტირელიგიურ მუშაობას აწარმოებენ შემთხვევით, მხოლოდ მაშინ, როდესაც ახლოვდება „შობა“, „აღდგომა“ და სხვა „სასწაულებრივი“ დღეები, რის შემდეგ ბავშვები ანტირელიგიურ მუშაობას იგივეებენ და გადასდებენ მომავალ „დღესასწაულებამდე“. ამრიგად პიონერ-კოლექტივში ანტირელიგიურ მუშაობას მათე ადგილს უთმობენ. ეს არ არის კარგი მოვლენა. არის შემთხვევები, როდესაც ზოგიერთი პიონერ-კოლექტივი აშკარად უჩივდება ზოგი პიონერის (განსაკუთრებით ეროვნული უმცირესობის) რელიგიურ ყოფაქცევას და ხელსაც არ უშლის ეკლესიებში და ლოცვებზე მათ სისტემატიურად სიარულს. მაგალითისათვის შეგვიძლია დავასახელოთ ახალციხის პიონერ-კოლექტივი. ამის წინააღმდეგ ჯერ იქაურ პიონერ-კოლექტივებს და უღმერთოთა უჯრედს არ უწარმოებია შეგნებული ბრძოლა სოფლის მოზარდი თაობის მორალურად დაპყრობის და კომუნისტური იდეების გავლენაში მოქცევის მიზნით.

ამ დროს კი სოფლის მღვდლები, სექტანტები და რელიგიური კულტის მსახურები და მათთან ერთად ჩვენი კლასიური მტრები ქალაქად და სოფლად — ნეპმანები, კულაკები და მათი აგენტები — ყოველმხრივ და ყოველთვის ცდილობენ ამ სარწმუნოების დროშის ქვეშ გაგვიწიონ უკანასკნელი წინააღმდეგობა, რომ ხელი შეუშალონ ჩვენი ქვეყნის სოციალისტური მშენებლობის, სოფლის კოლექტიური მეურნეობის და ნ-წლიანი გეგმის გამარჯვების საქმეში.

ჩვენ ბევრი ფაქტი გვაქვს იმის დასამტკიცებლად, თუ როგორ იბრძვიან ისინი განუწყვეტელი საწარმოო კვირის, თესვის კამპანიის, ქალთა ემანსიპაციის და ყოველგვარი კულტურული ღონისძიების წინააღმდეგ. აი, მაგალითად: ქალაქ კიმრახში ამ რამდენიმე დღის წინათ ღვთის მსახურებმა მოაწყვეს დებოში, რომ ჩვენალათ სამშობიარო სახლის აშენება, დაუმთავრებელი ეკლესიის მაგიერ რომ შენდებოდა, მაგრამ დამნაშავენი დაატუსაღეს და პასუხისგებაში მისცეს.

ზოგიერთ მხარეში კი, განსაკუთრებით ეროვნულ უმცირესობათა ქვეყნებში (მაგ. უზბეკისტანში), მოღობი თავს ესხმიან და ჰკლავენ სოფლებს ქალებს, რომლებმაც გაბედეს ჩადრის მოხსნა და ქალთა განთავისუფლების საქმეში და სოციალისტურ მშენებლობაში აქტიური მონაწილეობის მიღება.

ამ წელს, როდესაც ავღანისტანიდან ვადმოსული ბასმაჩების რაზმი თავს დაესხა ტაჯიკისტანის სა-

ბჭოთა რესპუბლიკის ქალაქ გარმს, ისინი ხოცავდნენ ჩადრახდილ ქალებს.

არის ისეთი ხალხი, რომელიც ვერ ამჩნევს ამ მოვლენას, ამ კლასთა ბრძოლას და ამბობს: „რელიგია უვნებელია“, „რელიგია ადამიანის კერძო საქმეა“ და სხვ. ამიტომ ისინი ფიქრობენ, რომ არაა საჭირო ანტირელიგიური ბრძოლა, თვით სწავლა და ცხოვრება თავის დროზე მოგვცემს ცოდნას ამ სფეროში სამუშაოდ. ამ ჯურის ხალხს ჩვენ ვეტყვი: „რელიგია ყოველთვის იყო და არის კლასიური ბრძოლის იარაღი, ის მუშათა კლასის (რომელმაც მეცნიერულად უარყო რელიგია) მტრების საშვალბაა!“

აი, აიღეთ თუგინდ „კულტურული“ ინგლისი, სადაც კონსერვატორებმა, ჩვენთვის და ყველასათვის ცნობილი ხიქსის ორგანიზატორობით (რომელმაც მოაწყო თავდასხმა არკოსზე) თავიანთ ჟურნალ-გაზეთებში დაიწყეს კამპანია „ჯვაროსნული ლაშქრობს“ გამოცხადებისათვის საბჭოთა კავშირის წინააღმდეგ. ისინი ცდილობენ გასწყვიტონ ყოველგვარი დიპლომატიური დამოკიდებულება ჩვენს ქვეყანასთან. და განა სამოქალაქო ომის ისტორიაში ჩვენ ცოტა მაგალითი გვაქვს იმის დასამტკიცებლად, რომ მონასტრები და ეკლესიები იყო ერთადერთი თავშესაფარი მუშათა კლასის მტრებისა და კონტრრევოლუციონერებისა? განა ახლა, მშვიდობიანი მშენებლობის დროს, პოლიტსამმართველომ ცოტა ჯაშუში და კონტრრევოლუციონერი აღმოაჩინა ავტოკეფალურ ეკლესიებში და რელიგიურ სექტებში? ეს ყველაფერი ამტკიცებს იმას, რომ რელიგია აშკარად ემსახურება მუშა კლასის მტრებს!

განა ჩვენ შევძლებთ მოზარდი თაობის ინტერნაციონალური კავშირის და აღზრდის განმტკიცებას, თუ არ გავმართებთ შეურიგებელი ბრძოლა ყოველი ჯურის სარწმუნოების (რელიგიის) წინააღმდეგ?

რასაკვირველია, არა!
და სწორედ ამიტომ პიონერ-კოლექტივების აუცილებელი ამოცანაა უფრო გამაგრონ და გაზალონ მეტროლ უღმერთოთა რიგები ბავშთა შორის, უფრო სისტემატიური და ყოველდღიური გახადონ უღმერთოთა იდეები ჩვენს მუშაობაში, ოჯახსა და კერძო ყოფა-ცხოვრებაში.

ამისათვის ჩვენ უნდა ვიხელომდევანელოთ მოწინავე პიონერ-კოლექტივების და სკოლების გამოცდილებით.

უნდა ითქვას, რომ ახლახან ჩატარებულმა „26“ რაიონის (ტფილისში) ახალგაზრდა უღმერთოთა კონ-

ფერენციამ მოგვცა პირველი ცდა ამ საქმეში. მიუხედავად მრავალი დეფექტის და მარცხისა. კონფერენციამ მაინც დადებითი შედეგები მოგვცა და ის ითვლება ერთადერთ ფორმად მებრძოლ ულმერთათა მორიგი პრაქტიკული ამოცანების ბავშთა შორის გადასაწყვეტად.

ასეთი კონფერენციები სისტემატიურად უნდა ხდებოდეს.

მებრძოლ ულმერთათა წრეებში (უჯრედები), ახალ წესდებასთან დაკავშირებით, რომელიც დამტკიცდა „ულმერთათა“ მეორე ყრილობაზე, წევრებად მიიღებიან ბავშვები 14 წლიდან. 8-დან-14 წლამდე კი ბავშვები შემოიკრიბებიან ახალგაზრდა ულმერთათა ჯგუფში.

სწორედ ამიტომ ყოველ პიონერ-კოლექტივში და სკოლაში დღის წესრიგად უნდა დაისვას მებრძოლ ულმერთათა წრესთან ერთად ახალგაზრდა ულმერთათა ახალი ჯგუფების ჩამოყალიბების საკითხი მცირეწლოვანი ბავშვებისათვის.

ამ საქმის ხელმძღვანელობა უნდა ითავონ პიონერ-ფორპოსტებმა და პიონერ-კოლექტივებმა. უჯრედის ჩამოყალიბების დროს განსაკუთრებული ყურადღება უნდა მიექცეოდ იმას, რომ უჯრედში ჩაეწერონ მოზრდილი ახალგაზრდები, რომლებიც შეგნებულად უარყოფენ რელიგიას და მზად იქნებიან აწარმოონ აქტიური მუშაობა რელიგიის წინააღმდეგ. თუ უჯრედის ჩამოყალიბების დროს ასეთი ხაზი არ გავატარეთ, მაშინ უჯრედი სუსტი იქნება და მალე დაიშლება.

მებრძოლ ულმერთათა ყოველმა უჯრედმა მორიგ ამოცანად უნდა დაისახოს ახალგაზრდა ულმერთათა წრეების დაარსება, ამ წრეებმა უნდა მოამზადონ ულმერთათა აკტივტორების და პროპაგანდისტთა მებრძოლი კადრი.

როგორც კი ამ წრეების წევრები შესაფერ კოდნას მიიღებენ, მაშინ მათ ეს კოდნა გადააქვთ წრის გარეთ—წითელ კუთხეებში, თავისი სკოლის მოწაფე ბავშვებსა და ოჯახში.

ჩვენ უნდა ვეცადოთ მივადწიოთ იმ მდგომარეობას, რომ თვითონ ახალგაზრდა ულმერთათებმა გაავრცელონ ანტირელიგიური იდეები ბავშვებს შორის.

რომ ხსენებულმა წრეებმა კარგად იმუშაონ, საჭიროა ამ საქმეში ჩაბმულ იქნან კონსულტანტებად მასწავლებელნი და სპეციალისტები, კერძოდ კომკავშირის ძალები კი ხელმძღვანელებად.

ამასთან ერთად მებრძოლ ულმერთათა რაიონულმა საბჭოებმა ინსტრუქციების და სხვა ღონისძიებათა სახით დახმარება უნდა გაუწიონ იმ სპეციალისტებს, რომლებიც მუშაობენ ბავშთა შორის ანტირელიგიური იდეების გავრცელების მიზნით.

ანტირელიგიურ მუშაობას სკოლებსა და პიონერ-კოლექტივებში მთელი რიგი ცოცხალი და მასიური სახე აქვს, რომელთა განვითარებისაკენ უნდა იყოს მიმართული ჩვენი ყურადღება; ასეთი სახეებია: ანტირელიგიური საღამოები, დილა, ცოცხალი გახეთები, ულმერთათა კუთხეები და სხვა მრავალი ღონისძიება, მხოლოდ მთავარია, რომ ამ მუშაობას სისტემატიური და გეგმიანი ხასიათი ჰქონდეს, რომ ეს მუშაობა არ შემოიფარგლოს მარტო ვიწრო წრით, არამედ გადავიდეს ორგანიზაციის გარეთ დაჩენილ ბავშვებსა და მშობლებში.

საკავშირო შეკრებამ ამ საკითხის შესახებ თავის დავალებაში აღნიშნა, რომ სკოლებში არდადეგები არ უნდა დაემთხვეს რელიგიურ დღესასწაულებს, არამედ ისინი გადატანილ იქნენ სხვა დღეებში; ამ დავალების შესრულება, რასაკვირველია, თავდაპირველად ეკისრება ახალგაზრდა ულმერთათა წრეებს.

აქაც საჭიროა სოცშეჯიბრის გამოცხადება პ/კოლექტივებსა და მებრძოლ ულმერთათა კავშირთ შორის ანტირელიგიური პროპაგანდის საბოლოოდ გამარჯვებისათვის.

მ. კ.

პიონერებო, ტარდუბა თქვენს კავკასია,

ემზადეთ მასში აქტიური მონაწილეობის მისაღებად!

პე რ ი

ანტირელიგიური პიესა 3 სურათად ინტერმედიებით.



მოქმედნი პირნი

ინტერმედიაში:

- 1) პირველი პიონერი—ვაჟი
- 2) მეორე პიონერი—ქალი.

პიესაში:

- 1) დიაკვანი—ეშმაკური გამომეტყველების.
- 2) დედაბერი—ჟალრეჯილი და საზარელი.
- 3) პიონერაზმის წინამძღოლი — გამბედავი ყმაწვილი.
- 4) სონია—ძალიან მშიშარა, თავის ამხანაგებთან შედარებით მაღალი.
- 5) ტოლია—მოშიშარი, სხვებზე უფროსია.
- 6) იური—ძალზე მამაცი, გამბედავი, სხვებზე უმცროსია.
- 7) მიტო—გამბედავი.
- 8) თედო—სოფლის ბობოლა გლეხი.

სურათი პირველი

სანამ ფარდა აიხდებოდეს, სცენის წინ გამოდის ორი პიონერი.

- I პიონერი: რა იქნება აქ, თუ იცი?
- II პიონერი: არ იცი? წარმოდგენა.
- I პიონერი: რის შესახებ?
- II პიონერი: რის შესახებ? სასწაულებზე!
- I პიონერი: სტყუი, ვის უნდა სწამდეს ახლა სასწაულები?
- II პიონერი: თუ ვტყუი, ახლავე ნახავ! იურმე პიონერთა მეხუთე რაზმისათვის ვერ აღმოაჩინეს საკლებო ბინა. გადასწყვიტეს ჩვენი სოფლის ეკლესიის სენაკში გაეხსნათ კლუბი და სამკითხველო. ბინას არა უშავს რა, ფართოა და მთელი რაზმი მოთავსდება შიგ... მხოლოდ ამ სენაკის შესახებ საშინელი ხმები დადის სოფლად... თითქოს იქ ღამ-ღამობით რაღაც სასწაულები ხდება! მაგრამ პიონერებს არ შეეშინდათ ამ სასწაულის და გადასწყვიტეს თურმე „მკვდარ სულებზე“ თავდასხმა!

- I პიონერი: მერე?
- II პიონერი: აი, ახლავე ვნახავთ! (სმამაღლა) მაშ, ვიწყებთ, ასწიეთ ფარდა! ხალხო, სმენა!(გადიან. იხსნება ფარდა. სცენა ცაღიერია. შორიდან მოჩანს ეკლესიის გალავანი, შიგ—დაძველებული სენაკი. შემოდინან პიონერები დიდებით მათ წინ უძღვის წინამძღოლი)

წინამძღოლი: აი, ჩვენი კლუბიც! (ხელს იშვერს ეკლესიისაკენ).

სონია: (უკმაყოფილოდ) ესაა ჩვენი კლუბი? რავე ძერასავით ჩაფრენია მიწას. შეხვალ და მზად არის თავზე დაგეცეს. აქ კლუბის მოთავსება როგორ შეიძლება?!

- იური: მივხვდი, სონია, რატომ ლაპარაკობ ასე!
- სონია: რატომ, რატომ?
- იური: რატომ და... თქვენ ყველანი მშიშარები ხართ! გეშინიათ იქ ყოფნა, რადგან ის ეკლესიის ეზოშია!

ტოლია: (ჯავრღობს) ვინ არის მშიშარა! იცი, დედამ წუხელის რა მითხრა? იმ კლუბში ნუ შეხვალ, თორემ მკვდრები დაგახრჩობენო. იქ ყოველამ იყრიან თავს მკვდრებში.

იური: და საერთო კრებას მართავენო, არა? (დაცინვით)

მიტო: მკვდრებსაც უნდათ კლუბი, მაშ!

ყველანი: ხა, ხა, ხა! (იცინიან)

წინამძღოლი: გეყოთ ლაზღანდარობა! პიონერებო, სირცხვილი თქვენი, რომ რაღაც ქორები გჯერათ. ჩვენ, პირიქით, უნდა დავამტკიცოთ, რომ ეს ყველაფერი ხალხის თვალ ასახვევად მოგონილი. თავდაპირველად ჩვენ ეს უნდა დავუმტკიცოთ ისეთებს, როგორც არიან ტოლიას დედა და სხვები.

იური: ამ მიზნით კოლექტივიდან უნდა გამოვეყოთ ყველაზე მშიშარა ამხანაგები და ეკლესიის გალავანში გავაგზავნოთ სადარაჯოდ. დე, ისინი დარწმუნდნენ, რომ არავითარი მკვდარი სულები არ არსებობენ და სხვებსაც აუხსნან ეს ცრუმორწმუნეობა!

ყველანი: მართალია, მართალია! გამოვეყოთ ტოლია და სონია.

ტოლია: (ჯავრღობს) რატომ მაინც და მაინც მე? არა, მე არ წავალ. პროტესტს ვაცხადებ!

სონია: მეც არ წავალ! რატომ მე? სხვა გააგზავნეთ! რატომ მაინც და მაინც მე?

მიტო: იმიტომ, რომ თქვენ ჩვენში ყველაზე უფრო მშიშარები ხართ! და აგრეთვე უფროსებიც!

ტოლია: სტყუი! ვინ არის მშიშარა? ის კი არა, წუხელის ხუთი ხულიგანი დამესხა თავს, მაგრამ ოთხ იმათგანს სულ „ვაი დედა“ ვაძახე, გვერდები დაეშვილე, ორს კი მილიციის ანოვაციონე თავი!

იური: ესე იგი, ექვსი ყოფილა და არა ხუთი ხულიგანი. (იცინიან)

წინამძღოლი: მაშ, თუ ასეთი გამბედავი ხარ, რათ გეშინია იქ წასვლა!

ტოლია: ვინ გითხრათ მეშინიაო? მხოლოდ მე... პროტესტს ვაცხადებ.

სონია: კარგი. ჩვენ წავალთ. მხოლოდ, თუ რამე დავგვემართა, ამაზე თქვენ აგებთ პასუხს.

წინამძღოლი: კარგი. წადით. ჩვენ აქ მოგიცდით. ნაწილი პიონერებისა ჩემთან დარჩება, ნაწილი კი იურისთან.

(დაიშლებიან. სონია და ტოლია სცენაზე დარჩებიან)

ტოლია: (ჩუქად) მართლა მივიღივართ?


სონია: მოდი, გავიპაროთ!

ტოლია: სირცხვილია. დაგვეცინებენ.

სონია: მაშ შენ წადი პირველად! (უბიძგებს ეკლესიისაკენ)

ტოლია: ერთად წავიდეთ. რათ გეშინია? (მიდიან)

სონია: (შეკრთება) ჰოი!



ტოლია: (შეხტება) რა იყო? (იური და სხვები კუთხეში დამალულნი უჩქერენ მათ)

იური: (გამოჩნდება) მგონი ბედავენ შესვლას. მოიცათ...

მიტო: იიი... ჩათლახები არიან და არა პიონერები! (ამ დრფს სენაკის ფანჯრიდან გაიღვკვებს სინათლე, გამოჩნდება თეთრში გახვეული აჩრდილი. ისმის დამურასებური წრუჭუნო. სტნია და ტოლია შიშისაგან აყვირდებიან: „ვაიჰე, გვიშველეთ! დედა!“ უცერად სცენაზე გამოვარდებიან და იქით-აქით დარბიან.)



იქ, სადაც იწყობა „პიონერი“

ტოლია: მკვლრები მოგვდევენ!.. გვიშველეთ!..

სონია: დედა, დედიკო!..

ყველანი: (შემოცვივდებიან) რა იყო? რა მოხდა? ხომ არ შეშლილხართ?

ტოლია: (ეკლესიისაკენ ისედეება) მოდის, მოდის. (გარბის. ჟგან სტნია მისდევს.)

წინამძღოლი: გაიქცენ!

I პიონერი: მათ ახლა ავტომობილიც ვერ დაეწევა!

II პიონერი: ამხანაგებო, წინადადება შემომაქვს დავიშალოთ.

იური: რაო? დავიშალოთ? კლუბი?

მიტო: ყმაწვილებო, მე და იური ეკლესიის გალავანში წავალთ, ვნახავთ, იქ რა ხდება. კარგი?

ყველანი: წადით. ჩვენ აქ მოვიცდით!

წინამძღოლი: მაშ წავიდეთ. მიტო და იური აქ დარჩებიან.

ყველანი: წავიდეთ!

წინამძღოლი: აბა, ჩადექით! მარცხნივ. იარ! (მიდიან დღლის ხმაურით და პიონერული სიმღერით: „ძირს ღმერთი, ხატი, ძირს სასწაული“. იური და მიტო სცენაზე რჩებიან.)

იური: „ძირს ღმერთი, ხატიო“—და თვითონ კი ეშინიათ... (დაფინვით გახედავს. მიშავალ რაწმს) ფუ! შშიშარები!

მიტო: იური... მართლა... არ გეშინია იქ შესვლა?

იური: მე?.. (ფიქრდბს) მართალი გითხრა, ცოტათი მეშინია.

მიტო: მეც მეშინია! მაგრამ, რახან დავიკისრეთ, უნდა შევასრულოთ, თორემ დავგვცინებენ. (მიდიან ეკლესიისაკენ)

ფ ა რ დ ა

სურათი მეორე

I პიონერი: ამხანაგებო, სასწაული იწყება!

II პიონერი: ასწიეთ ფარდა! (იმალეშიან) სცენაზე ეკლესიის გალავანი. ძველის-ძველი სენაკი. შივ ეკლესიის მოწყობილება. კართან დგამი. მაგიდა—სუფრა გადაფარებული. იქვე საგარძელო თეთრი გადასაფარებლით. დამეა. პაუზა. ისმის კაკუნო

იური: (გარედან) გააღეთ! (ისევ სიჩუმე. გამოჩნდება ეშმაკის მსგავსი დედაბერი, ჯღნზე დაბჯენილი)

დედაბერი: ვინ არის მანდ! ავსულია თუ კეთილი!

იური: ჩვენ ვართ, პიონერები. გვინდა შენი სახლი დავათვალიეროთ!

მიტო: აქ ჩვენი კლუბია, გააღეთ ჩქარა!

დედაბერი: (ყრუდ, კნავის, აშინებს.) აკრძალულია ამ ოთახსა შინა ურწმუნოთა ფეხის დადგმა!

იური: გააღეთ მეთქი, თორემ შემოვამტვრევთ!

დედაბერი: ახ, წყეულებო! (ადებს. პავშები თავს შექმედებენ. ისეაქებიან, შემოვლენ)

იური: ვინ ცხოვრობს აქ?

დედაბერი: (ყრუდ, თითქმის არ ესმის) დალამდება თუ არა, მამალი იყვილებს თუ არა, ამ სახლსა შინა ხდება სასწაული! ბალალა, ბურრ-დი!

მიტო: რას ამბობს?

იური: შენ, ეი, ბებერო, რას ბოდავ!

დედაბერი: (თითქმის არ ესმის) ბალალა—ბურრ-დი!

მიტო: რა ეშმაკსა ჰვავს!

იური: ნამდვილი მზაკვარია!

მიტო: რა საშინლად კნავის!

იური: მოიცა, მას ახლავე გამოვარკვევ. შენ, ეი, გესმის, დედაბერო, გველაპარაკე გასაგებად, თორემ მილიციას მოვიყვანთ!

დედაბერი: (ხმას იცვლის) რა იყო, შვილებო! მე ამ სახლის დარაჯი ვარ!

მიტო: ჰო, ასე სთქვი... თორემ რა ნიშნავს: ბალალა, ბურრ-დი! (დახცინის)

დედაბერი: შვილებო, მოუტევეთ უქკუო დედაბერს. კკუა გამომეცალა ამ ყრუ და საშინელ ოთახში ყოფნით. ხოი იცით, აქ ღამ-ღამობით რა საშინელი სასწაულები ხდება? დალამდება თუ არა, მამალი იყვილებს თუ არა...

იური: ვიცით! გავეგონია. წადი, წადი, ჩვენ აქ ვრჩებით. ჩვენ აქ კლუბს ვხსნით! წადი და, როცა საჭირო იქნება, ჩვენ დავიძახებთ!

დედაბერი: შვილებო, ნუ შესცოდებთ წინაშე ღვთისა, აქ კლუბის გახსნა როგორ შეიძლება. ეს ხომ ღვთის სახლია, ზეგარდმო მადლით გასხივოსნებული! კკუაზე ხომ არ შეშლილხართ? აქ ხომ განადგურდებით?!


იური: წადი, წადი! (გაავდებს კარში)

მიტო: ნამდვილ ეშმაკს ჰვავს!

იური: გამოჩერჩეტებული დედაბერი... (ათვალიერებს ოთახს) ოჰო, ოთახს არა უშავს. ფართოა და კარგიც. კლუბად გამოდგება! არა, მიტო?!

მიტო: მე წინადადებას ვიძლევი (თითხ უშკერს) აქ გავაკეთოთ სამკითხველო, აქ—კლუბი.


იური: აქ კი ლენინის კუთხე და წითელი დროშა!
მიტო: ძალიან კარგია.
იური: (სთვლემს) მეძინება!
მიტო: მეც! მოვიცადოთ კიდევ ცოტა ხანი. (დასხდებიან. პაუსა)
იური: (პაუსის შემდეგ) სონიასა და ტოლიას შესახებ საკითხი უნდა დავსვათ კრებაზე. ისინი გამოსაგდები არიან. მშიშარები!
მიტო: (პასუხს არ აძლევს. სთვლემს. ამ დროს ვიღაც ძალზე დაამცხიკვებს)
იური: (შეკრთება) რას ამცხიკვებ? ხომ არ გაცივდი?
მიტო: რას ბოდავ? ვინ ამცხიკვებს, ალბათ შენ დაამცხიკვე და გინდა მე გადამაბრალო. გაჩუმდი, ძილს ნუ მიფრთხობ!
იური: (ეძინება) დაიძინე! (უცნაურად გაისპის სველა)
მიტო: იური, დაანებე მასხრობას თავი, რას ახველებ.
იური: შენ შარზე ხომ არა ხარ! მე არც დამიმცხიკვებია და არც დამიხველებია. შეიძლება შენ მოგესმა. ჩუმად იყავ!
მიტო: გეყო მასხრობა, დაიძინე!
 (ამ დროს სკამქვემ გამოჩნდება შავი ხელი და ორივეს ზურგზე დაარტყამს).
იური: რა იცემები? აი, თუ გინდა! (გაარტყამს)
მიტო: მე რა შუაში ვარ! როდის გამოირტყამს შენთვის? აჰა, გარტყმა თუ გინდა.
 (გაარტყამს. ერთმანეთს სცემენ. ამ დროს ვიღაცა იურის ცალ ხელს დაუჭერს, მიტოს კი ფეხებს შეუბორკავს. მიტო და იური შიშისაგან შეხტებიან და აყვირდებიან: „ვაიმე, მიშველეთ, მკვდრები!“ აჩრდილი გაქრება)
იური: (შეშინებული) ვილაცამ ხელები დამიჭირა!
მიტო: მე ფეხები შემიბოჭა!
იური: აქ ვილაც არის. დაეხვეროთ. (სკამქვემ ქვემ იხედებიან. ამ დროს სავარძლიდან გამოდის აჩრდილი და გაქრება).
იური: არავენაა! ალბათ მოგვეჩვენა!
მიტო: არა, მე შინ მივდივარ!
იური: შე ხე დაიწყე? სონია ხომ არა ხარ? მოდი, იმ სავარძელზე დავსხდეთ. იქ უკეთესია!



იქ, სადაც იბეჭდება „პიონერი“

მიტო: შენ წადი, მე აქ დავდგები!
იური: მიდის სავარძელთან და ჯდება. (უცნაურად სავარძლის უკან ამოფარებული აჩრდილის ხელები შებოჭავს მას და უჭერს. იური ყვირის: „მიშველეთ, ვაიმე!“)
მიტო: (სკამქვემ შეძვრება და თვალდახუჭული ყვირის) გვიშველეთ, დედა, დედილოოო!
იური: ოხ! (გაუხსლტება ხელიდან და მიტოვს გარბის. ერთმანეთს მოეხვევიან. ტახტა-სებენ)
მიტო: ვაიმე!
იური: წადი, ნახე, რა არის იქ.
მიტო: თვალს ვერ ვაღებ, მეშინია, მკვდარი არ წარმომიდგეს!
იური: (თვალს ხელს მოუშორებს) ჰა, გაიხედე! (სავარძელი გაქრება)
მიტო: რა მოხდა?
იური: სავარძელი წავიდა!
მიტო: სად წავიდა, განა ის ცოცხალია?
იური: ცოცხალი არ არის, მაგრამ სადღაც გაქრა! საკვირველია, მოდი დაეხვეროთ! წადი, იქ რაღაც მოძრაობს! (ხელს უშვერს)
მიტო: რაო? მე აქედან ფეხს არ დავძრავ!
იური: წამო მეთქი (მიათრევს), წამო! (მაგიდას უახლოვდებიან უცნაურად სუფრა აფრინდება სვეით, ცეკვას იწყებს).

იური და მიტო: (შეხტებიან) ახ!
მიტო: ცოცხალია, ცეკვავს.
იური: მასში ალბათ მკვდარი სულია გახვეული.
მიტო: მე პირჯვარს გადავიწერ. შეიძლება გაქრეს. (პირჯვარს იწერს. ამ დროს გამოჩნდება თეთრი აჩრდილი და მათგან წამოვა)
იური და მიტო: ოი!
იური: მოჩვენება!
მიტო: მკვდრის სული! ოი! დედა!
 (დაიბნევიან. დარბიან. „გვიშველეთ, გვიშველეთ“. აჩრდილი დასდევს. სკამქვემ ქრება. მიტო და იური მაგიდის ქვეშ შეძვრებიან და ტახტახებენ)



„ამერიკანკა“-ზე მუშაობენ



„პიონერს“ კვთავენ

იური: აკი გეუბნებოდი, პირჯვარს ნუ დაიწერ მეთქი. ვიცოდი, უარესი იქნებოდა.

მიტო: წავიდეთ ჩქარა აქედან.

იური: სუ! კიდევ ვილაც მოდის! (ისევ გამოჩნდება აჩრდილი. დმუის. ბავშვები ცახცახებენ. აჩრდილი შეჩერდება. მიტო და იური კვითხეში იძალებიან. აჩრდილი მათ ვერ ამჩნევს. ხალათს იხდის. გამოჩნდება დიაკვანი)

დიაკვანი: ტერეზა, ტერეზა! (შემოდბის დედაბერი ჯღხსყ დაყრდნობით).

დედაბერი: რას მიბრძანებთ, მამაო დიანოზ!?

დიაკვანი: დაფრთხენ, გაქცეულან; მგონი აქ აწ ვერ შემობედავენ შემოსვლას. ხი, ხი, ხი! (ხითხითებს)

დედაბერი: (ხითხითებს) კლუბი უნდა გავხსნათო!

დიაკვანი: უყურეთ ამ პაცანებს, რა კარგი განზრახვა ჰქონიათ? ოი, წყეულები! მალე მოელება ბოლო ამ ხალხსაც! ტერეზა, მზად არის ქვაბი? მაშ, დაედგათ არაყი.

დედაბერი: ისეთი მაგარი არაყი გამოგვივა, რომ ცეცხლივით იქნება. მუცელს დასწვავს.

დიაკვანი: ტერეზა, არაყის სმას გაუფრთხილდი, თორემ ასე ცოტ-ცოტაობით ამოსული იმ ქვაბს! (ჯავრებში) წადი, კარი ჩაეკეტ!

დედაბერი: ხი, ხი, ხი! (გარს კეტავს)

დიაკვანი: ახლა საქმეს შევუდგეთ, არაყი გამოვხადოთ.

იური: (კვითხეში, ჩურჩულით) ხედავ, რა ამბავია? აჩრდილი დიაკვანი ყოფილა. მიხვდი, რა საქმეს სჩადიან? არაყს ხდიან!

მიტო: ახლავე ვაცნობოთ ამხანაგებს.

იური: ჩუმად, არ დაგინახონ. (გამკრებიან. მიტო იძუქრება: „ბალალა, ბურღ-დი!“ გამოდის დედაბერი. ხელში ბოთლით არაყი უჭირავს. სვამს, მთვრალია).

დედაბერი: (ლუღლუღებს და მდერის) „ამ არაყის დალევა გამომიწვა მუცელი. (დალევს. პაუზა კარის დაკეტვა დამვიწყებია (მიდის კარისაკენ) აქ კლუბი უნდა გავხსნათო. ოი, უწმინდურებო! მერე სად უნდა გამოგვეხადა არა-

ყი? ის დღე ნუ გავითენოსთ უფალომა, რომ თქვენ აქ კლუბი გახსნათ, თქვე საძაღლებო, თქვენა. (ბარბაცებს) მალე მოგელება ბოლო. მე ამას ყოველდღე დიაკვანი შეუბნება. ის ამბობს, ამ ხელისუფლებას მალე მოელება ბოლო. ოი, ღმერთო, შენ გადმოხედე მონასა შენსა!

(მდერის)

ეხ, მიყვარდა ტერტერა,
თმაგრძელი და თეთრწვერა,
დღეს კი, ჩემო ტერტერა,
ყველა გადაგემტერა!

ფ ა რ ღ ა

სურათი მესამე

ფარდის წინ ორი პიონერი

I პიონერი: აი, ხომ ნახეთ, რა საქმეს აკეთებენ დიაკენები, მღვდლები და ტერტერები? ხალხს ცრუმორწმუნეობით აბრიყვებენ, თვითონ კი არაყს ხდიან საკუთარი ჯიბის გასასქელებლად.

II პიონერი: მართალია, გვატყუებენ; ღმერთი, ხატი, სასწაულები—სულ მათი მოგონილია.

ორივე: მაშ, ვიწყებთ. სურათი მესამე! ასწიეთ ფარდა! (გადიან)


(სცენაზე იგივე მოწყობილობა. დამეა. სუფრაზე ბოთლები, ჭიქები და სხვა. ფანჯრიდან თავს გამოქვიფავს მიტო: „არავინ არის“ იურის ხმა: „შექვერი, კარი გააღე“)

იური: მე და მიტო აქ დავრჩებით! თითქოს არაფერი ის მოჩვენება ალბათ კვლავ გამოჩნდება ჩვენს დასაშინებლად. ჩვენ მაშინ ვიყვირებთ, და დავატუსალოთ. კარგი? მაშ წადით. ბავშვები მაგრად გყავდეს. როგორც კი გაიგონებთ ყვირილს, შემოცვივდით. ჩვენ მას ვაჩვენებთ სეირს! (შემოდინან)

მიტო: უყურე, სუფრა გაუშლიათ! ფუ! რა არაყის სუნი დგას. წუხანდელი შიში არასდროს არ დამავიწყდება! არა, იური?

იური: ჩვენც ახლა მათ ისეთ შიშს ვაჭმევთ, რომ ვერასოდეს ვერ მოინელონ! (ისმის ხმაური)

მიტო: სუ! ვილაც მოდის!



პიონერი კვრავს ჟურ. „პიონერს“

იური: დაემალოთ! (იმალებიან. გამოდინან მთვრალი დიაკვანი და ბობოლა გლეხი, არაყი შემეაქვთ)

მიტო: სუ! გაჩუმდი! ხედავ, რა ამბავია?

დიაკვანი: დღეს ძალიან მოვითბეთ ხელი, არა, ჩემო თედო?

თედო: ერთი პარტია არაყი გავყიდეთ, მხოლოდ დანარჩენიც უნდა გავასალოთ.

დიაკვანი: ახლა ისეთ არაყს ვამზადებ, ჩემო თედო, რომ ორმაგ ფასად გაიყიდება!

(ისმის კაკუნი)

დიაკვანი: ვინ არის? (გარეიდან ისმის ხმა: „მე ვარ“ შემოდის ტერეზა დედაბერი ჩიფჩიფით)

დედაბერი: ღამე შვიდობისა, თედო! (დიაკვანს) მამაო, ძალიან ადრე დაბრუნებულხარო!

დიაკვანი: ღმერთი წყალობს მოსაგებსა საქმესა, წუხანდელი პარტია არაყი სავსებით გაიყიდა!

დედაბერი: ხი, ხი, ხი!

დიაკვანი: (დაასხამს არაყს) ახლა ცოდვა არ იქნება დავსხდეთ, დავლიოთ კიდევ!

თედო: ძალიან ცუდი დარებია!

დიაკვანი: რა გიჭირს, ჩემო თედო, შეშა არ გაკლია და საჭმელი. ამბობენ, მას შემდეგ, რაც კოლექტივის პური დაიწვა, ფუთ ხორბალს ორმაგ ფასად ჰყიდი?

თედო: მაშ! კონკურენციას მიწევდენ! მაგრამ... (სვამს)

მიტო: დრო არის! (იქონი დააკაკუნებს)

დიაკვანი: (შეხტება) ვინ არის? ალბათ ის წყეულები ბავშვები კიდევ არ გვშორდებიან.

თედო: ვინ ბავშვები!?

დიაკვანი: პიონერები. აქ, ჩემს სახლში, კლუბის გახსნა განუზრახავთ!

დედაბერი: (ხითხითებებს) ხი, ხი, ხი!

დიაკვანი: საშველი არ არის! უნდა დავაშინო. (წამოდგება) შენ, თედო ჩემო, გაიპარე აქედან. მე მათ დავუდარაჯებ და დავაფრთხო! რათ შემომეჩვიე ის წყეულები?! (თედო გაიპარება. დედაბერი სანთელს დაუწევს. დიაკვანი გარბის მეორე ოთახში. იური და მიტო იცინიან. პაუსა)

იური: შვეიდეთ! (შედიან. ათვალიერებენ)

მიტო: გაიპარენ!

იური: ღამურებივით გაიპარენ! ეი, ვინ ხართ მანდა, აქ გამოდით! (კვლავ იმეორებს)

მიტო: არაეინ არის! (დაჯდება) ფუ! რამდენი არაყი დაუღვეიათ!

იური: გაიგონე ბობოლა თედოს სიტყვები?

მიტო: ჰო, ის ნამდვილი კონტრრევოლუციონერია. ხედავ, რა საქმეებს აკეთებენ ღამ-ღამობით! უუ! გაიძვრას წრეულს საბჭოში უნდოდა შეძრომა, მაგრამ არ გაუვიდა ოინები!

იური: მართლაც ეს ოთახი საუცხოვო იქნება კლუბისათვის. (ისმის კნავილი, ღმუილი და ბრახუნი)

მიტო: (შეხტება) სუ! ხმაური!

იური: ისევ აჩრდილი! აი, ხედავ? (აჩრდილი შავი ბრტყალებით უახლოვდება მათ, თან ღმუის)

მიტო: ვაიმე! (დარბის) იური, მიშველე!

იური: ვინა ხარ? (აჩრდილი აქნევს ხელებს და ღმუის)

მიტო: ყვირილს დავიწყებ!

იური: მაშ არ იტყვი? (დაიყვირებს) ეი, შემოდით. (უცნაოდ გაიყება კარი და შემოგვივდებიან პიონერები. წინამძღოლს ხელში ნაგანი უჭირავს. ხმაურია)

წინამძღოლი: ასწიე ხელი, თორემ... (უმიზნებს. აჩრდილი გდილობს შეაშინოვს. ხელებს აქნევს)

იური: ასწიე ხელი!

წინამძღოლი: მაშ, არ ასწევ? (უმიზნებს. აჩრდილი ხელებს ასწევს).

იური: მეგობრებო, სტაცეთ ხელი. (მიცვივდებიან, ხელებს დაუჭერენ)

წინამძღოლი: ვინა ხარ? (ნიდაბს ჩამოგლეჯს. ხელში შეტრებათ პირდადებული დიაკვანი).

პიონერი: ეს ხომ ჩვენი დიაკვანი დიანოზია? (პიონერები ყვირიან: „ჩვენი დიაკვანი დიანოზი“)

წინამძღოლი: მაშ, შენა ხარ, აქ ხალხს რომ ატყუებ სასწაულებით?

დიაკვანი: (დადრეჯილი) მომიტევეთ, არასოდეს აღარ ვიზამ.

იური: ახლავე მილიციაში!

ყველანი: მილიციაში! (ყვირიან)

დიაკვანი: (თხვანით) მომიტევეთ, ახალგაზრდებო, ვცდებოდლი ყველაფერში დამნაშავე ვარ! აწ არ ვიზამ!

იური: აწ კიდევ მოატყუებ ხალხს, კიდევ გამოხდი არაყს?

დიაკვანი: არ ვიზამ, არაფერს არ ვიზამ.

წინამძღოლი: მაშ, განაცხადე ხალხის წინ, რომ თქვენ ყველაფერში სტყუით, რომ ყველა სასწაული თქვენი მოგონილია.

დიაკვანი: (ხმაჩახლგეჩილი) „მართალი არის, ხალხს ვაბრიყვებლი, მქონდა ცხოვრება უქმი, მდიდრული: მაგრამ ვაიგეს ჩემი ხრიკები და სამუდამოდ დავრჩი ბითური!“

წინამძღოლი: აი, ამხანაგებო, ხომ გაიგეთ ღვთისმსახურების საიდუმლოება? ყველაფერი მათი მოგონილია. ისინი ხელს გვიშლიან მუშაობაში, ისინი მტრები არიან საბჭოთა ხელისუფლების. ისინი ბობოლების და ბურჟუების ხელისშემწყობი აგენტები არიან.

იური: სარწმუნოების გამომხატველი მოგონილია ეს ძლიერებაც.

ყველანი: ძირს რელიგია, ღმერთი, ხატები, ვაშა ბრძოლას და მეცნიერებას.

წინამძღოლი: პიონერებო, გასწორდით, სმენა! ნაბიჯი მარცხნივ, მხარდამხარ იარ! (ჩამწვრივდებიან და დოლის ხმაურზე მღვრიან: „ძირს რელიგია, ღმერთი, ხატები“ და სხვა).

თალოს ლაშქრობა

1

თუნდაც ახლა, როცა მინას
თოვლთა ფიფქის გროვა ბურავს,
ზის ბებია ბუხრის პირად,
ამბობს ზღაპარს ძველებურად...

ისევ ზუის ქარი გარეთ,
და იმხვერევა ტოტთა გროვა,
გარეთ — ქარი მომთაბარე,
გარეთ ქრის და ჩამოთოვია;

რა კარგია ამ დროს ცეცხლი
და ბუხართან თბილად ჯდომა...
გარეთ ისევ ქარბუქია,
გარეთ ქრის და ჩამოთოვია...

ამბობს ზღაპარს, გულში თანაც
„ქრისტეს შობის“ უვლის ფიქრი:
ხალხმა როგორ აღიიდა
და მიართვა მას გვირგვინი...

ყოვლის შემძლე იყო ქრისტე,
აღარ ჰყავდა ქვეყნად ტოლი,
რიგ-რიგად განააწილა
მან ყმა, მონა და ბატონი...

ახლა მღვდელი არ ეგულვის
და არც ზართა ესმის რეკა,
უკვირს, ხალხმა როგორ დასთმო
ღმერთი, როგორ გაიმეტა?

თანაც ფიქრობს: ეს სოფელი
აღარ ინდობს მღვდელს და ბერსაც,
და თემსაბჭო გაუხდია
ჩვენი სოფლის მქადაგებლად!

მაგრამ რაა, თუ ყოველდღე
აღარ ისმის ზართა რეკა?
ხალხმა ქრისტე რატომ დაჰგმო,
ხატი რისთვის გაიმეტა?

და აგრძელებს ზღაპარს ისევ,
მოგონებით ირთვის, ხარობს,
რომ ხვალინდელ დღით და ამბით
ბავშვებმაც კი იხარხარონ...

უხარიათ, გაიმარჯვეს,
რომ დაესწროთ ხალხი ბლომად,
ასე, ამგვარად დასრულდა
თალოს გეგმა და ლაშქრობა.

2

ჩვეულებრივ თალოს სახლში
სამზადისი იყო შობის,
დილით უნდა მოესმინათ
მათ სიმღერა მახარობლის!

მაგრამ თალოს ხომ არ სძინავს,
გეგმები აქვს მას თავისი;
მასაც ჰქონდა მუშაობა,
ლაშქრობისთვის სამზადისი...

თუნდაც ახლა, როს ბებია
ჰყვება არაკს ასე ჩუმიად,
ის მზად არის წინ აღუდგეს,
განუცხადოს მედიდურად:

„ჰეი, ბები, ბები, გესმის,
ხედავ, ქუდი როგორ მხურავს?
ეს ცხოვრება შეტრიალდა
და არ ბრუნავს ძველებურად!..“

3

მეორე დღეს, როს ბებიას
თალოს გადაკოცნა სურდა,
თალო სახლში აღარ იყო,
თალო სადღაც გაპარულა.

გულში ფიქრობს: „სად წავიდა,
სად წავიდა აგრე აღრე?“
ჩუ! და ესმის, ვილაც მაგრად
აგრილებს სკოლის ზარებს...

ჰო — და ხალხმა მოიყარა
თავი სკოლის ეზოს ირგვლივ,
ანტირელიგიურ დილას
აწყობს სკოლის კოლექტივი!!

ბებიაც არ დარჩენილა,
მოჰყოლია ხალხის გროვას;
თალოს მოწოდება ისმის:
„არ არსებობს ქრისტეს შობა!..“

თალოს მოხსენების შემდეგ
წარმოდგენა ჰქუნდათ დიდი!
ორი კვირა მუშაობდნენ
ამ ლაშქრობის მოწყობისთვის...



წელი
1933



ეგნატე ნინოშვილი
დაბადებიდან 70 წლის შესრულების გამო.

ჩაბრულო მწერალი.

სამოცდაათჯერ შემოუბინა დღის მნათობს მიწამ, სამოცდაათჯერ ჩამოახია ფურცელი უღმობელმა დრომ საუკუნეთ მას შემდეგ, რაც პირველად შეხედა უახრო თვალით პაწაწა ბავშვა ფარალაღა ქაზის მცხოვრებლებს, სადაც ზუზუნით შემოჰქონდა ქარს დაბეჩავებულთ კენესა-ვაება...

ტანჯვა-ვარამი, სილატაკე, ღუხჭირი ხვედრი, ხელზე მოსამსახურეობა, ტელეგრაფისტად ყოფნა, შავი ქვის მრეწველის კანტორაში სამსახური, ნავთის ქარხნის მუშად შესვლა, სოფლად მასწავლებლობა, ტყვიის ასოების მტერის სუნთქვა სტამბაში და საფრანგეთში ქუჩების დაგვა, — აი მძიმე გზა ტანჯული მწერლის, რომელსაც წილად ხვდა გლეხობის ღუხჭირი ცხოვრების სურათის გაღმომოლა, უსამართლობის წინააღმდეგ ვალაშქრება, ჩაგრულთ გულში იმედის გაღვიძება და მჩაგვრელების სახეების დანაოქება.

ნინოშვილი და ტანჯვა სინონიმებია, ამიტომაც ესოდენ ძლიერად ეხერხებოდა ეგნატეს ირგვლივ გამეფებული უსამართლობა-ჩაგვრის ასახვა. მან პირადად გამოსცადა ბედი მუშისა, შვიდ კაპეკად რომ შრომობდა დაღამებამდე, მან თვითონ ნახა, განიცადა ხვედრი გლეხისა, თავზარდაცემული რომ კანკალებდა წლითი-წლობამდე, როს თარეშობდა მშრომელთ ზურგზე მწველი მათრახი და ირგვლივ იდგა მუშტმაგარი ძალმომრეობა.

კარგად იცნობდა ეგნატე გურიის სოფელს, კარგად იცოდა ქირი, ლხინი გლეხკაცობისა, გამჭრიახ მის თვალს არაფერი გამოჰპარვია. მან დაინახა სოფლის გარეგნულ მყუდროებაში სასტიკი ბრძოლა, ინტერესთა შეხლა-შემოხლა, კლასობრივი ბრძოლა, მოსახლეობის დიფერენციაცია, დაინახა, რამდენად განსხვავდებიან ერთმანეთისაგან გარეგნულად ერთნაირი ადამიანნი — და მოგვცა მთელი რიგი ტიპების, თვალწინ დაგვიხატა ათასგვარი გარემოება და პიროვნება. მისი ნაწერები სარკეა წარსული დროების, ესაა უტყუარი ფურცლები მშრომელთ ყოფა-ცხოვრების. იგია გლეხის გულის მესაიდუმლე, იგია მისი ღუხჭირი ბედის დამტირებელი, და ამიტომაც ვეწაფებით იმის ნაწერებს, რომ აღფრთოვანდეთ, განვიმტკიცოთ ბრძოლის წყურვილი, რომ თანავუგრძნოთ მთელი ჩვენი სულით და გულით სიმონ ძალაძეს, დაუდგრომელს, შეუშინებელს, შეუპოვრად რომ იწვევს ბრძოლაში უსამართლობით, ცარცვა-გლეჯით, გაიძვერობით გალაღებულ დავით დროიძეს...

და სიმონადან გადავდივართ მუნჯ კაციაზე, სიზმარშიაც კი რომ ვერ დასთმო მუნჯაძეობა. მათი ლაშქარი ხელს უწყობდა ძალმომრეობას თავისი შიშით, გაჩუმებით, დამორჩილებით. მონა-მორჩილნი ყოველგვარი ძალმომრეობის, მზად რომ არიან ოცდაათჯერ გადატყდენ წელში, როს შეხვდებიან ვინმე „ძლიერს ამა ქვეყნისას“, მუნჯაძეები არ გვარგიან, და ტრფობის თვალი რბის ისევე ძალაძისაკენ...

გული ფუჭ აქვს... გულფუჭაძეც ამიტომ ჰქვინა. მოსე მწერალო, აბა, რამდენი უნათლოშვილი დავიღუპავს შენს სიცოცხლეში! მათი ცხოვრების და სიცოცხლის

განადგურებით აბა რამდენჯერ აესებულა შენი ოჯახი, რომ ათეულთა, ასეულთა უბედურებით უზრუნველობა და განცხრომა მოგნიჭებოდა! საზიზლარი ხარ, შენ მშრომელი ვერ შეგიყვარებს, ნინოშვილი ხომ ცოფს ანთხევდა შენს ხსენებაზე და გლეხის ტანჯვით გაელია გული, ვით მთვარე...

მუშტმაგარი... გრძელი ხანჯლით... ფართომხარბე-ქიანი... სადაც მისი მკლავი გასჭრის, სადაც გაინავარდებს, იქ მართალი ის არის.. ან ვინ შეებრძოლება ამ „ბრწყინვალე“ თავადებს! მუშტძლიერი, მაგრამ თავცალიერი დაფარფაშობს მკლავაძე ტარიელი. პოლიცია მისი ყმა და მონაა: თავადობა ძლიერ დიდი „წონაა“ — და თარეშობს ძმაბიჭებით „ვაჟაკი“

ოჰ, ეგნატე, გულს გიშხამავს ეს „გმირი“ და გიმრავლებს ტანში კოხის ბაცილებს. მაგრამ სახეს ვადურბინა ღიმილმა... იქნებ ხედავს ტარიელის მოცილეს?

ეს ვინ არის, პატარა და გამხდარი? სულ არ ახდენს გმირის შთაბეჭდილებას, ნინოშვილი კი იმედით შეცქერის და მკლავადის ამლაგმველად იმას სთვლის.

რას მიქვინა, აბა, ფართო მხარ-ბეჭი, მცირიშვილო, ასპარეზი შენია! მშრომელთ წრიდან გაქოსულო მშრომელო, ტარიელი ხომ შენი ხეარაკაა. ვით ზღაპრულმა ამირანმა დევები, უნდა მოსპო ჩვენში მკლავაძეები. შენ, ეგნატეს ფალავანო, იმედო, ამას შესძლებ, ეს ხომ უშუქველია.

ქარი ბერავს, ისმის მისი ზუზუნი და თან მოაქვს კენესა უიშვილების. და უდგება თვალწინ ტანჯულ ეგნატეს მისი სული და მამაშფოთი სურათი: შეეგერცხლო თმას სისხლი გადანთხევია... შებოჭილი მოჰყავთ „გამარჯვებულებს“ მემბოხე, „საშიშარი“ გოგია. წიშვილ-წყურვილს ვერ გაუძლო საბრალომ... მწვავე იყო, მეტად მწვავე მათრახი... განთიადის ცივსა ჰაერს მიაპობს თოფისა ხმა — აღარ არის გოგია...

ნინოშვილო, სახე რამ დაგიღარა! — გტანჯავს, ტანჯულს, ტანჯულების სვე-ბედი! იცი, რომ სოფლად ნაწამები თუ არს გლეხობა, ქალაქში მუშებს სულსა ხლიან კაპიტალისტნი, და ეტრფი მუშათა მოძრაობის გაჩაღებას, ცხოვრების ძირ-ფესვიანად გადატრიალებას. შენი რევოლუციონური სული ბორგავს, ცეცხლოვანი თვალები ელაგს და ბაგე აფრქვევს:

„მუშათა კლასი! — აი ვინ ყოფილა ქვეყნიერებისა და ცხოვრების ჩარხის მატრიალბელი!

მუშათა მოძრაობა! — აი ამ ჩარხის ბრუნვა! ერთი თუ ჩვენშიაც დატრიალდა ეს ჩარხი, თუ ჩვენშიაც დაგჩაღდება მუშათა მოძრაობა, მაშინ ჩვენი ცხოვრებაც ძირ-ფესვიანად გადატრიალდება.“

რევოლუციონური ცეცხლი ჩაეგზნო გულში ჩაგრულთა მწერალს: **მომავალ მაისში ბათომის მუშები „პირველ მაისობაზე“ სადემონსტრაციოდ თუ არ გამოვიყვანო, ერთ წამსაც ნულარ ვიცოცხლებ!..“**

ასე იბრძოდა, ასე ცხოვრობდა ნინოშვილი, რომლის ხსოვნას მტკიცე ტახტი აქვს დადგმული მშრომელთა გულში, რომლის ნაწერებზე იზრდება ახალი თაობა და სწავლობს ყოველი სახის უსამართლობის საშინელ ზიზლს, თავდაღებულ ძალაძეების სიყვარულს, მუშათა კლასის იდეალებისათვის ბრძოლას ქვეყნიერებაზე შრომის სუფევის დამყარებისთვის.

ოცდათხუთმეტჯერ შემოუბინა დღის მნათობს მიწამ, ოცდათხუთმეტჯერ ჩამოახია ფურცელი უღმობელმა დრომ საუკუნეთ მას შემდეგ, რაც სამუდამოდ გაჩერდა გული, მუშათა კლასის სიყვარულით ესდენ გამთბარი.

ოსკა




-- ვინა ხარ! რა გატირებს? -- შეეკითხა მილიციონერი ქუჩაში ტირილით მიმავალ ბავშვს. მაგრამ უკანასკნელს არ ესმოდა მილიციონერის სიტყვები და ტირილითვე განაგრძობდა გზას.

მას არ ესმოდა ტრამვაისა და ეტლების ხმაურიც.

-- ვინა ხარ, პატარავ, რა გატირებს, არ იტყვი? -- განმეორებით შეეკითხა ბავშვის მდგომარეობის გაგებით დაინტერესებული მილიციონერი და ზურგზე ხელი დაადო.

ბავში მილიციონერის დანახვით სწრაფად შეკრა, ტირილს უკლო და გაქცევა დააპირა.

-- ნუ გეშინია, პატარავ, მე არაფერს ვაგნებ, -- დამშვიდება დაუწყო მილიციონერმა შემკრთალ ბავშვს.



ჟურ. „პიონერის“ ნაპირების ჩამოჭრა

-- რა გქვია? -- წყნარი ხმით შეეკითხა მილიციონერი.

-- მე... ოსკა, -- გაისმა ბავშვის მკრთალი ხმა.

-- ვისი შვილი ხარ?

-- შენ ვერ იცნობ მამაჩემს. ის არც მე მახსოვს, დიდი ხანია მომკვდარა. ებრაელი იყო. -- დაწყნარებული და გარკვეული ხმით უპასუხა ბავშვმა და ცრემლებში გაბანილი თვალები მიაპყრო მის წინ მდგომ წითელქუდიან კაცს, რომელსაც მილიციონერს ეძახიან.

-- რათ ტირი, ჩემო პატარავ! -- ტკბილი და მეგობრული ხმით მოესმა კითხვა ბავშვს.

-- რათა და.... -- თვალებიდან გადმოდინარმა ცრემლებმა შეაწვეტინა ბავშვს სიტყვები.

-- ნუ ტირი, ნუ ტირი, ჩემო პატარავ. მიაშვე ყველა შენი ამბავი და რაც შეიძლება დაგეხმარები.

უკანასკნელმა სიტყვებმა ძლიერ იმოქმედა ოსკაზე. მის სახეს სიხარულის ელფერი გადაეკრა და როგორც ახლად გაღვიძებულმა, ისე გადაისვა ხელები ცრემლებით სველ თვალებზე. მან ჯერ მის წინ მდგომს მიაპყრო თვალები და შემდეგ ძირს დახარა თავი.

-- მითხარი, მითხარი, ჩემო პატარავ, რათ ტირი?!

-- რათა და ხაზეინმა დამითხოვა გუშინ. ახლა რა ვქნა, სად წავიდე, როგორ მოვიქცე, არ ვიცი. ასე უპატრონოდ დავდივარ ქუჩებში. ბევრი ვეხვეწე ხაზეინს,

მაგრამ ფეხიც არ შემაკარებინა სახლში. -- დავვიანებოთ უპასუხა ბავშვმა.

-- მერე და ვინ არის ის ხაზეინი?

-- შენ ვერ იცნობ. ვაჭარია, ებრაელი.

-- შენი ნათესავია?

-- დიახ, მაგრამ შორეული.

-- კარგი და, როგორ მოხვდი იმის ხელში?

-- ეგ არც მე ვიცი, -- უპასუხა ცივი ხმით.

-- სთქვი, სთქვი, როგორც იცი, ჩემო პატარავ.

-- არც მე ვიცი კარგად, როდის და როგორ მოვხვდი მასთან. მაგრამ, როგორც გაგებული მაქვს, მე პატარა ვყოფილვარ, როცა დედ-მამა დამხოცია. დავრჩენილვართ მე და ჩემი უფროსი ძმა, რომელიც მარჩნდა. ის ერთხელ გასულა სახლიდან და მერე არავის არ უნახავს. თურმე ის და მისი სხვა კომუნისტი ამხანაგები წაყვანათ სადღაც მენშევიკებს და დაკარგულან. მე მაშინ ძლიერ პატარა ვყოფილვარ. შიმშილით რომ არ მოვმკვდარიყავ, ჩემს ხაზეინს, როგორც ნათესავს, წაუყვანივარ მოსამსახურედ. გუშინ კი, არ ვიცი რისთვის, მაგრად გამროზვა და მუქარით კარში გამომავლო. ნეტავ ვიცოდე, რა დავუშავე. დილიდან საღამომდე მოსვენება არ მქონდა. რასაც მიბრძანებდნენ, ყველაფერს ვასრულებდი. მცემდნენ, მტანჯავდნენ, მაგრამ მე ხმასაც არ ვიღებდი. რა, დავუშავე, რა! -- აქ ცრემლები მოუვიდა, მაგრამ თავი შეიკავა, ერთი მაგრად ამოიხვნეშა და განავრძო: -- გუშინ გამომავდეს, წუხელ ქუჩაში მეძინა, გუშინ დილიდან ჩემს პირში არაფერი არ ჩასულა. რა ვქნა, არ ვიცი. სიმშვილს გავუძლო თუ უბინობას. ვიცი, ასეთი მდგომარეობით სიკვდილი არ არის ჩემი შემბრალე. რადგან უპატრონო ვარ, ამიტომ? ყველას ვეჯავრები. რათა?! რათა?! რადგან დედ-მამა არა მყავს? რადგან დახეული ტანსაცმელი მაცვია, ამიტომ? აქ ველარ შეიკავა თავი და ცხარე ცრემლები გადმოედინა ლოყებზე. ამის გამგონე მილიციონერის გულში სიბრალულის გრძნობა გაღვივდა.


მან წაიყვანა ოსკა სასადილოში, გააძლო. ქამის შემდეგ ბავში გამოჰყვა კარში მილიციონერს..

ამ დროს მოისმოდა სიმღერის ხმა, რომელიც ბავშვის ხმას ჰგავდა, ელექტრონი ანათებდა ქუჩებს. მოწმენდილ ცაზე ეკიდა ფერმკრთალი და დაღვრემილი მთვარის ნაგლეჯი. ტრამვაისა და ეტლების ხმაური აყრუებდა ქუჩას. მილიციონერი და ოსკა იდგენ სვეტის წინ. სვეტზე ჩიტივით მჯდარი ელექტროლამპა მხიარული და მომღიმარი თვალებით დაყურებდა მათ. ბავშვის მხიარული სიმღერა თანდათანობით ახლოვდებოდა.

მილიციონერი და ოსკა ისე განაბულნი იდგენ, რომ გეგონებოდათ ვილაცას მოლოდინში არიანო.

ბავშვის სიმღერა სიახლოვის გამო გარკვეულ სახეს ღებულობდა.

მილიციონერმა იცოდა, რომ ის ბავშვები უპატრონო იყვნენ, რადგან მათი ხელმძღვანელები მათ ყოველ საღამოთი ატარებდნენ იმ ქუჩაზე. აი, გამოჩნდა ბავშვთა გუნდი მხიარული სიმღერით. მათ მოჰყვებოდა სამი დედაკაცი. მილიციონერმა შეაჩერა ხელმძღვანელები და დაუწყო ოსკაზე ლაპარაკი. ხელმძღვანელების განკარგულებისთანავე შეჩერდა კოლექტივიც.



თომას თხოვნა

ნულარ ითვრები, მამილო,
თუ გიყვარს შენი თომარ,
ნუ უჯავრდები დედიკოს,
ეს არის ჩემი თხოვნა!

წიგნი არა მაქვს, რვეულის
ფული მოიტა შინაო,
შენი შრომით და ამაგით
ახარე ჩვენი ბინაო,

გული მიკვდება, როდესაც
დედასა ვხედავ მტირალსა,
შრომით დაღლილი შენ გიციდის,
ლამეს ათენებს ტიალსა!

ღვინო გაშორებს ჩვენს თავსა.
ნუთუ ეს არა გჯერაო,
თუმცა მიყვარხარ, მაგრამ მთვრალს
ვერ გეკარები, ვერაო.

ნულარ ითვრები, მამილო,
ამას გთხოვს შენი თომარ,
ყელს მოგებვევი, დაგკოცნი
თუ შემისრულე თხოვნაო!..

ი. კარელი შვილი

ოსკამ შეხედა რიგში ჩამდგარ ბავშვებს და გაიფიქრა
„რა ბედნიერი ვიქნები, მეც რომ მათში ვიყო“. ის ხედავს,
რომ მათ ყველას ერთნაირი ტანსაცმელი აცვია, გულ-
ზე ყველას წითელი ბანტი აკერია, მას კი, ფეხში-
შველას, მხოლოდ დახეული ტანსაცმელი უფარავს
სხეულს.

ნიშნა რა ოსკას წასვლა, მიიყვანა იგი იმ ქალებთან, რომ-
ლებიც ზრდიან ოსკასებურ უპატრონო ბავშვებს.

— რა გქვია, ბავშო? — ტკბილი ხმით შეეკითხა
ერთი ხელმძღვანელთაგანი.

— ოსკა, — მკრთალი ხმით უპასუხა ოსკამ.

— ოსკა, ოსკა, ჩვენი ოსკა, პატარა ოსკა, — მიუა-
ლერსა მან. ოსკა ასეთი არაჩვეულებრივი, დედისებური
ალერსით ჯერ დაიბნა, შემდეგ სახე მაისის ცასავით
მოეწმინდა და გაბრწყინებული თვალები ჯერ ხელმძღვა-
ნელებს მიაპყრო და მერე მილიციონერს.

— ოსკა, ხომ წამოხვალ ჩვენთან? აი, ამ ბავშვებთან
იქნები. ასეთ ტანსაცმელს ჩაგაცმევთ, კარგად გკვებავთ
და წერა-კითხვასაც გასწავლით, — შეეკითხნენ ოსკას.

ოსკამ მზიარულებით მისი გულის პასუხი ვერ გა-
ოთქვა და თვალბრტყით აცნობა მათ.

— აი, ბავშვებო, დღეის შემდეგ ესეც თქვენი მეგო-
ბარი იქნება. — გამოუცხადა ბავშვებს ხელმძღვანელმა და
ოსკაზე მიუთითა.


ბავშვებმა მზიარულება ყრიაშულით გამოხატეს და
ყველა ახალი ამხანაგისა, იენ მიიწვედა.

— ჩვენც შენსთანა დღეში ვიყავით. შენც ასეთებს
ჩაგაცმევინებენ. — ეუბნებოდნენ ბავშვები ოსკას.

ოსკას კი თავი სიზმარში ეგონა და სიხარულით
ხმას ვერ იღებდა.

მეორე დღეს ოსკა სხვა უპატრონო ბავშვებთან
ერთად საუბრობდა თავის თავგადასავალზე.


ის მთლად გამოიცვალა და დაემსგავსა იმ ბავშვებს,
რომლებსაც იგი გუშინ შენატროდა.



„პიონერი“ მხად არის

ბავშვებმა შეხედეს ოსკას და ხელის ქნევით აცნობეს,
რომ უკანასკნელი მათთან მისულიყო, მაგრამ ოსკას
შეეშინდა მათი და უცბად გაშორდა. მილიციონერმა, შე-

მოზარდ მკაცრებელთა თეატრი



„ეშმაკი“

ტფილისის პიონერებო, ესწრებით თუ არა დადგმებს მოზარდ მკაცრებელთა თეატრში? საჭიროა და სასურველია ყველამ ნახოთ ეს შესანიშნავი დადგმები. აი, ამ წერილში მინდა თქვენ და თქვენს პროვინციელ ამხანაგებს გავაცნოთ ერთ-ერთი პიესის შესრულება მოზარდ მკაცრებელთა თეატრში.

„ეშმაკი“ ლამაზი ანტირელიგიური პიესაა, დიდი ხანია უკვე იდგმება მოზ. მკაცრების სცენაზე და ახლაც მრავალი დამსწრე ჰყავს.

რელიგიური ნაშთები, მორწმუნენი, რომლებიც თითო-ორი დარჩენილან, და მღვდელ-დიაკონები ჯერ კიდევ შემოტყვევებს აწარმოებენ ჩვენს წინააღმდეგ. ისინი ყოველ ღონეს ხმარობენ, რომ არ დაჰკარგონ მათი გავლენის ქვეშ მყოფი შეუგნებელი ხალხი და მოტყუებით შემოიკრიბონ ახალი წევრები. მაგრამ, რასაკვირველია, ჩვენ მუდამ ვებრძოდით მათ, ვებრძვიით დღესაც შეუგნებელად და არ მივცემთ შავი მიზნების განხორციელების საშუალებას. უკვე შეიგნეს მუშათა და გლეხთა მასებმა მათი სარწმუნოებრივი მოძღვრების ყალბადანდური სახე და დაჰგმეს იგი.

დარჩა სამღვდლოება უმრევლოდ. მორწმუნე ხალხი აღარ ჰყავს, მაგრამ მას არ დაუყრია ფარ-ხმალი და განაგრძობს შეუგნებელი ხალხის მოტყუებას. ჩვენ გვახსოვს ერთ-ერთ ეკლესიაში გამართული საღამო, სადაც დაიდგა კომკავშირის საწინააღმდეგო პიესა, სადაც კომკავშირელები გამოჰყავდათ ხულიგნებად, ლოთებად და სხვ. ასეთი გადაგვარებული ხალხის, სამღვდლოებისა და რელიგიის წინააღმდეგ არის დაწერილი პიესა „ეშმაკი“ — აკ. კერესელიძის.

აი, ვუცქიროთ ამ პიესას თეატრის სცენაზე:

პატარა ლეო უღარიბესი ოჯახის შვილია. სიღარიბესთან ერთად მას სტანჯავს ლოთი მამა და ღვთისმორწმუნე მშობლები. დედა აიძულებს ილოცოს ხატზე, როცა ლეოს ღმერთებისა და ხატების არაფერი სჯერა, რადგანაც მათგან მონაცემი არაფერი უნახავს. მას გულით სწყურია სწავლა, მუშაობს ასოების ამოკითხვისათვის, მაგრამ ვინ დაეხმარება? დედამ არ იცის კითხვა და მამა მუდამ ღვინითაა გაღვნილი.

მღვდლის „სკოლაში“ მთავარი „საგანი“ ანტი-საბჭოთა კამპანია; იქ ასწავლიან, როგორი უნდა იყოს მორწმუნე, იქ ასწავლიან ღმერთებზე, სასწაულებზე და, რაც მთავარია, კომკავშირზე და პიონერ-ორგანიზაციებზე, მაგრამ როგორ?

აი, უსმინეთ:


კომკავშირელები ლოთები არიან, კომკავშირელები ხულიგნები არიან, პიონერები პაპიროსს ეწევიან.

და სხვა მრავალი ისეთი ცილისწამება და პროვოკაცია, რომლის გავრცელებაც ალბათ თქვენ უდიდეს შეურაცხყოფილად იგრძნობთ თავს და შესაფერად უპასუხებთ ცილისმწამებლებს.

პატარა ამხანაგი რეზო პიონერია, რეზოს მამა ქარხანაში მუშაობს, ღვინოს არ სვამს და ლოცვაც ხომ სასაცილოდ მიაჩნია. რეზო ხშირად შემოდის ლეოსთან, უხსნის ანბანს და მასაც სიცილოდ არ ჰყოფნის ის ამბავი, რომ დედ-მამა ლეოს საყდარში მიბარებას უპირებს სასწავლად. მორწმუნე მშობლები შეაცდინა მღვდელმა და მათაც გადასწყვიტეს მღვდლის „სკოლაში“ გაეშვათ ლეო. რეზო ყოველ ნახვისას უხსნის ლეოს სარწმუნოების მარცხილებას და ჩააგონებს მას იბრძოლოს მღვდლისა და ეკლესიის წინააღმდეგ, გახდეს პიონერი და შევიდეს შრომის სკოლაში. ლეო აღფრთოვანებულია რეზოს დარიგებით და გადასწყვეტს უარყოს მღვდლისა და მშობლების წინადადება და ებრძოლოს მათ. ბოლოს და ბოლოს მამისაგან ნაცემ-ნაბეგვი ლეო საყდარში მოხვდება მღვდელთან. მღვდელი თავისებურ ჰკუთას ასწავლის მას, მაგრამ ლეო ჰკივის და სიტყვასაც არ უსმენს. მღვდელს, რასაკვირველია, არ მოსწონს ლეოს მოქმედება და დღევანდელი საბჭოთა ბავშვიც და მოწაფეებს უამბობს ამბავს თავის ბავშობისა და აღზრდის შესახებ. ამბავი ასეთია:

განებიერებული ბავში ჩაცმული გორაობს, მდიდრის შვილია. თავზე ადგას სათვალეებიანი „ჩინოვნიკი“ მასწავლებელი და ოფლის ღვრით ჩასჩინებს არითმეტიკაში ოთხი მოქმედების კანონებს, ბავშიც მექანიკურად, შეუგნებლად იმეორებს იმას, რასაც მასწავლებელი იტყვის. ნებიერი ბავში ტყუილ-უბრალოდ აიტებს ტირილს; ბავშვის ხმაზე შემოვარდება ვაბრაზებული დედა და საშინლად დასტუქსავს მასწავლებელს, რომელმაც „ააღელვა მისი სულიკო“. მასწავლებელს არა აქვს სიტყვის შებრუნების უფლება (და კიდევ რომ შეუბრუნოს, ჰკვიანურს ვერაფერს იტყვის). დედის შემოსვლაზე ბავში კიდევ უფრო უმატებს ღრიალს და თავის მხრივ ესეც სტუქსავს მასწავლებელს. უეცრად პატარამ ოთახში ბუზი დაინახა. მონდომებულმა მასწავლებელმა ვერ დაუჭირა, ვერ დაიჭირა დედამაც და მაშინ გამოძახებულ იქნა მთელი შემადგენლობა ხელზე მოსამახურეთა და მოჯამაგირებისა, რომლებმაც დიდი

„ბრძოლისა“ და შრომის შემდეგ მიაღწიეს მიზანს, შეერთებული ძალით დაიპირეს პატარა მწერი. ბავში მაინც ტირის უზნეოდ და იძლევა წინადადებას გადაუწყვიტონ ბუზს სასჯელი. მრავალგვარი „საშუალება“ იქნა მასწავლებლის და დამსწრე „საზოგადოების“ მიერ გამონახული ბუზის დასასჯელად. მაგრამ ნებიერმა ბავშვმა არცერთი არ მოიწონა. ბოლოს და ბოლოს მან თვითონ გამოსძებნა საშუალება და სათამაშო თოფით დახვრიტა იგი. დედამ ბავში დააწყნარა, შეიბრალა, როგორც „სწავლით ძლიერ დაღლილი“ და სათამაშოდ ეზომი გაუშვა.



„პიონერს“ კითხულობს

პატარა ამხანაგებო, ძალიან კარგი იქნება თქვენ თვითონ უცქიროთ ამ სცენას, თქვენ იქ ნახავთ როგორ იზრდებოდნენ წინათ ბავშვები, როგორ სძულდათ შრომა და სწავლა, როგორ ანებიერებდნენ მათ მშობლები, და მაშინ თვითონ გამოიყვანთ დასკვნას, თუ როგორი ხალხი უნდა გამოსულიყო ამგვარად აღზრდილი ბავშებისაგან.

მე მაინც გეტყვით, რა გამოდიოდა იმათგან.

აი რა სიმბოლოა დახატული სცენაზე: ოთახს, რომელშიაც ასწავლიან ამ ბავშვს, რასაკვირველია, აქვს კერი და სახურავი, მაგრამ მიაქციეთ ყურადღება: სახურავს ზემოთ ჩანს საყდარი თავისი მძიმე გუმბათებითა და ჯვრებით.

მშვენიერი სიმბოლოა! ამ ოთახში ნებიერად გაზრდილი ბავში შემდეგ ხდება საყდრის მსახური, მღვდელი, დიაკვანი, ღვთისმორწმუნე და სხვ. ამგვარად აღზრდილი ბავში, თქვენც მიხედვით, ვერაფერ საზოგადოებრივ სამსახურს ვერ შესძლებს, პირიქით, იგი დააწევბამძიმე ბარგად საზოგადოებას. ასეთები ერეკებიან საზოგადოებას რელიგიისა და ბოროტების წყვდიადისაკენ და უჭრიან მასწავლისა და განვითარების ბილიკებს.

ასე გაიზარდა მღვდელი, რომლის ხელოვნება იყო ჩვენი პატარა ლეო.

მღვდელს ჯერ კიდევ არ დაესრულებია ამ ამბის მოყოლა, რომ ფეხზე წამოიქრა ლეო, ამხილა მოწაფეთა წინაშე მღვდლის ნამდვილისახე და მოუწოდა მათ პიონერ-კოლექტივებისა და შრომის სკოლისაკენ. ერთბაშად ყველამ იბრუნა პირი მღვდლისაგან.

აქედან იწყება იმ ვერაგული გეგმის განხორციელების ცდა, რომელიც შეადგინეს მღვდელმა და დიაკვანმა.

დაბრუნებულ ლეოს ყოველ წუთს სცემს ლოთი მამა, მაგრამ იგი არასგზით არ მიდის ისევ საყდარში.

უეცრად ოთახში მარტოდ დარჩენილ ლეოს გამოეცხადება „ეშმაკი“. იგი აჯერებს ლეოს, რომ ჩვენს მშენებლობას სოციალიზმისაკენ კი არ მიჰყავს ხალხი, არამედ რაღაც „ჯოჯოხეთისაკენ“ და მოუწოდებს ლეოს დაუბრუნდეს საყდარს. იგი გადის.

ოთახში შემოდის რეზო. შეშინებული ლეო უამბობს მდგომარეობას; რეზო იცინის და გადასწყვეტს ახსნას „ეშმაკის“ საიდუმლოება. როცა „ეშმაკი“ მეორედ შემოვა ლეოსთან, რეზო ჩუმად შემოიყვანს პიონერთა რაზმს, დაიჭერენ „ეშმაკს“, ახლიან ნიღაბს და ხელონურად შერჩებათ საყდრის დიაკვანი. აქ ეხდება ფარდა საიდუმლოებას, ლეოს დედამაც დარწმუნდა მღვდელ-დიაკვნის ვერაგობაში, ჰგმობენ მათ და ლეოს უშვებენ შრომის სკოლისა და პიონერ-კოლექტივში.

ლეო სკოლაში იმდენად განვითარდა, რომ მას აკისრებენ კულტ-მუშაკის მოვალეობას. ლეოც მშვენიერად ხსნის ჩვენს მიღწევებს ბავშვების კრებებზე.

დასასრულ ერთ-ერთ ლაშქრობაზე გამოსულ ლეოსა და მის ამხანაგებს გზად შეეჩხვებიან მღვდელ-დიაკვანი, რომლებიც შიშით სადღაც გადაიკარგებიან.

ასე ედება ბოლო ჩვენი კომკავშირელებისა და პიონერების ენერგიული მუშაობით ყოველგვარ უვიცობას.


ასეთია პიესა „ეშმაკის“-ს მოკლე შინაარსი და დადგმა მოზარდ მაყურებელთა თეატრში.

ამ პიესას შესანიშნავი დეკორაციები აქვს, რაც ძალიან კარგ შთაბეჭდილებას სტოვებს.

კარგად თამაშობენ მსახიობებიც და, რაც მთავარია, პიესის დადგმაში გამოყენებულია კინო. იარეთ მოზარდ მაყურებელთა თეატრში, ნახეთ პიესა „ეშმაკი“.

ირ. აბაშიძე,

„ნორჩი ლენინელი“



(ლენრაიონის ნორჩ პიონერთა და მოსწავლეთა ერთ-დღიური გაზეთი, მიძღვნილი ოქტომბრის რევოლუციის 12 წლის თავისადმი)

ჩვენს ქვეყანაში თორმეტჯერ ვიდღესასწაულეთ ოქტომბრის რევოლუციის დღე. კაპიტალისტური ქვეყნების მუშათა მასებს ამ დღესასწაულის ჩატარება სისხლის ფასად უჯდებათ. მაგრამ ისინი მაინც განუწყვეტლად იბრძვიან, რომ დაამსხვრიონ ბურჟუების ბატონობა. მსოფლიო რევოლუციის მოხდენამდე ჩვენ ის-ღა დაგვრჩენია, რომ ენერგიული დახმარება გაეუწიოთ კაპიტალისტების ციხეებში ჩამწყვდეულ და ტერორის ქვეშ დაყენებულ მუშებს, დავებნართ მთელი ქვეყნის პიონერებს და გავუგზავნოთ სალამი ისე, როგორც ლენრაიონის პიონერებმა ამ გაზეთით („ნორჩი ლენინელი“) მიაწვდინეს მსოფლიოში დაჩაგრულ ბავშვებს: „**საბჭოთა ქვეყნის პიონერები მეთორმეტჯერ უძღვნიან სალამს მთელი ქვეყნიერების პიონერებს**“.

პიონერული სალამი ოქტომბრის რევოლუციის 12 წლის თავს—ეს მხოლოდ სიტყვა კი არ არის, არამედ ეს არის შრომა ინდუსტრიალიზაციის სასარგებლოდ. პიონერები აგროვებენ ლითონის ნამტვრევებს, ეხმარებიან შეფს, ავრცელებენ ინდუსტრიალიზაციის სესხის ობლიგაციებს, ეხმარებიან უპატრონო ბავშვებს, წერა-კითხვის უცოდინარობას ებრძვიან, უწევენ დახმარებას გლეხებს მიწოდებაში და სხვა. აი რას გვიამბობს ეს გაზეთი.

პიონერთა ყოფა-ცხოვრების საკითხებზე ამ გაზეთში სწერენ პიონერები; აი, მაგალითად, როგორ ცხოვრობს ინტერნატის კოლექტივი № 36. „ინტერნატის მცხოვრებთა ყოფა-ცხოვრებას ხელმძღვანელობს პიონერთა კოლექტივის საბჭო; ინტერნატში შემოღებულია პიონერების მორიგეობა, ეწევიან თვითშრომას“. აქ არის მრავალი სახის წრე: ჭადრაკის, ლიტერატურული, სამხედრო, ხელბურთის და სხვ. ინდუსტრიალიზაციის მესამე სესხზე 60 მანეთის რაოდენობით მოუწერიათ ხელი და აპირებენ ეს თანხა 100 მანეთამდე აიყვანონ. გარდა ამისა, ამ კოლექტივს აქვს თავისი ტკივილები, აკლია ზოგიერთი რამ,

რასაც ალბათ მალე მოაგვარებს რკინის გზის სექცია და უბკავშირი,

ასეთივე შინაარსის წერილია რკინის გზის მე-8 სკოლის მე-32 პიონერ-კოლექტივის შესახებაც. ამ წერილებით გამოაშკარავებულია, თუ რამდენად არიან დაინტერესებული პიონერები საზოგადოებრივ-სასარგებლო მუშაობით. რასაკვირველია, ადგილებზე პიონერ-კოლექტივების მუშაობას დახმარებას უწევენ პარტიისა და კომკავშირის უჯრედები.

არის შემთხვევები, როცა შეფი ყურადღებას არ აქცევს პიონერ-კოლექტივებს. მაგალითად: ამ გაზეთში დაბეჭდილია წერილი, სადაც აღნიშნულია, რომ მე-32 პიონერ-კოლექტივს სრულიად არ ეხმარება შეფი—მიწსახკომის ცხენთსაშენი; მართლაც, როგორც წერილშია აღნიშნული, ალბათ მათ არ წაუკითხავთ საკავშირო კ. პ. [ბ] ცეკას და ამიერკავკასიის საოლქო კომიტეტის დადგენილება, პიონერ-ორგანიზაციისთვის დახმარების აღმოჩენის შესახებ.

გაზეთში მოთავსებულია ლამაზი წერილი „როგორ გავატარე ზაფხულის არდადეგები ნორჩ პიონერთა ბანაკში“. აქ არის ნორჩი პიონერის მოგონება ქვიშხეთის საზაფხულო ბანაკის ცხოვრებაზე. საზაფხულო დასვენება ჯანსაღობისათვის აუცილებელი პირობაა, ამიტომ ჩვენი ხელისუფლება ყოველ ზაფხულს გზავნის პიონერებს დასასვენებელ ბანაკებში. ქვიშხეთში ამ ზაფხულს მრავალმა პიონერმა ისარგებლა ბუნების სიმდიდრით. წამოსვლისას მათ დაათვალიერეს ბორჯომი, ბაკურიანი, ცემი, წალკერი და სხვა ჩვენი აგარაკები. გაზეთში დაბეჭდილია პიონერთა ლექსები ოქტომბრის რევოლუციის 12 წლის თავის შესახებ და ჩვენი მტრების წინააღმდეგ.

„ნორჩი ლენინელი“-ს მესამე და მეოთხე გვერდზე მოთავსებულია წერილები რუსულ ენაზე. ეს წერილებიც ეხება პიონერთა ცხოვრებას, ოქტომბრის რევოლუციის 12 წლის თავს, სოციალისტურ მშენებლობას, შეჯიბრებას, ხუთწლიან გეგმას და სხვ.

იანი.

პიონერებო!

არ დაგავიწყდესთ

თქვენივე ჟურ. „პიონერის“ გამოცემა

1930 წლისათვის!

მოახლოვდა ოცდახუთი დეკემბერი — „შობის“ დღე...

რელიგიის მქადაგებელი დაფაცურდენ! ტფილისის ეკლესიების ზარები ახმაურდა, მაგრამ ამოდ...

მღვდლები, ბერები და მონაზონები დაბორიალდნენ და დიდ სამზადისში არიან, რომ მათთვის დიდი და ნეტარმოსაგონებელი დღესასწაული „ქრისტეს შობა“ სახელოვანად იხეიონ... ეს ხდება ეკლესიაში და მის გალაგნებში.

ტფილისის მუშათა უბნებიდან ისმის საყვირების განუწყვეტელი კვილი. ქარხნის მილებიდან ამოსული კვამლი უხვად ეფინება ქუჩებს და მუშათა სასახლეებს.

ქარხნებში და სკოლებში იმართება მფრინავი (სახელდახელო) მიტინგები და საუბრები ანტირელიგიურ საკითხებზე. კომკავშირელებს მედგრად უჭერენ მხარს პიონერები, რომლებიც ყოველგვარი საშუალების ხმარებას ითვალისწინებენ, რომ შობის დღეს არც ერთი მშრომელი არ მოსცდეს სამუშაოს, დაზგებს, მანქანებს და ქეიფის ნაცვლად მღვდლების და მატყუარა კრუმორწმუნეთა დღესასწაულის დღეს, შობას, ჩვენი ქვეყნის სოციალისტური მშენებლობის კულტურული აყვავებისა და აღორძინების საქმეს კიდევ ერთი აგური დაუმატოს.

ერთ-ერთი დიდი მფრინავი მიტინგი გაიმართა მთავარ სახელოსნოში (ტფილისში უდიდესი წარმოება); მიტინგზე თამამად გამოდიოდნენ მუშები და ზიზღს აცხადებდნენ კრუმორწმუნეობისა და ყოველგვარი სიბნელის წინააღმდეგ. მუშების შემდეგ ილაპარაკეს ახალგაზრდა მუშა-კომკავშირელებმა. ისინი მეტის აღელვებით ლაპარაკობდნენ მატყუარა მღვდლების და მათ შიმდევართა ოინებზე.

და ყველა დამსწრეს გაუკვირდა, როცა ტრიბუნაზე გამოჩნდა პიონერი, რომელმაც ასე დაიწყო: „მამებო და უფროსო ძმებო! ჩვენ არ გვწამს არავითარი ქრისტე და ხატი არ გვეშინია მღვდლების და ბერების დამუქრების. ჩვენი კოლექტივი 25 და 26 დეკემბერს, შობის დღეს, დასვენების ნაცვლად აწყობს ანტირელიგიურ ლაშქრობას, ჩვენს კლუბში გააკრავთ პლაკატებს და მოწოდებებს. იქნება მოხსენება და წარმოდგენა“... „ვაშა, ვაშა“ ისმოდა ყოველი მხრიდან და ცოტა ხნის შემდეგ ტრიბუნაზე ასული მუშა კითხულობდა შემდეგი სახის დადგენილებას:

„ჩვენ, ტფილისის მთავარ სახელოსნოს მუშები, 25 და 26 დეკემბერს, კრუმორწმუნეთა დღესასწაულის დღეს, დასვენებისა და უმიზნოდ დროის დაკარგვის ნაცვლად ვიმუშავებთ ჩვეულებრივად და ერთი დღის ხელფასს ვდებთ ინდუსტრიალიზაციის ფონდის გასაძლიერებლად. არც ერთი საათის დაკარგვა უმიზნოდ! ამ დღეს ყველანი დაზგებთან და მანქანებთან! დეე, კვლავ აგრძალდნენ ეკლესიის ზარები, ხოლო არცერთი ჩვენთაგანი იქ, ეკლესიაში, ქრისტეს სათაყვანებლად არ მივა, რითაც ერთხელ კიდევ დაუვმტკიცებთ ჩვენს მტრებს, რომ ჩვენ მათი გავლენის ქვეშ არ ვიმყოფებით! მთავარი ხელოსნოს მუშები ამ მიზნით ვიწვევთ ტფილისის ყველა წარმოების მუშებს“.

არც სკოლები იყვნენ გულზე ხელდაკრეფილნი პიონერებმა და კომკავშირელებმა აღრევე დაიწყეს სამზადისი ანტირელიგიური კამპანიის ჩასატარებლად. მთელ რიგ სკოლებში მოაწყვეს საუბრები და საღამოები.

პიონერთა კოლექტივები არაჩვეულებრივად მოქმედებდნენ. მათ საკუთარი გეგმა ჰქონდათ და ყველაფერს გეგმაშეწონილად ასრულებდნენ.

ოცდახუთი დეკემბრისათვის წინასწარ დაამზადეს სათანადო პლაკატები და კედლის გაზეთის განსაკუთრებული ნომრები, მაგრამ პიონერები მარტო სკოლის სამუშაოთი არ კმაყოფილდებოდნენ. ისინი მიდიოდნენ ქარხნებსა და ფაბრიკებში, ეხმარებოდნენ მუშებს მფრინავი მიტინგების და საუბრების ჩატარებაში. ქარხნის მუშების კლუბისთვის ხატავდნენ ლოზუნგებს, ამზადებდნენ მოწოდებებს, პლაკატებს და კედლის გაზეთებს.

ასე მიმდინარეობდა სამზადისი ქარხნებში, ფაბრიკაში, დაწესებულებებსა და სკოლებში.

გათენდა ოცდახუთი დეკემბერი. წინა ღამით გრიალებდა ეკლესიის ზარები.

დილაადრიან ქროდა დეკემბრის სუსხიანი ქარი და ქუჩებში თოვლქაყაბი იდგა: ეკლესია ელოდა სტუმრებს, მაგრამ ამოდ... არცერთი მუშა კომკავშირელი და პიონერი ეკლესიის გალაგნებს არ მიკარებია. ეკლესიის ირგვლივ იყო დუმილი და სიმარტოვე. სხვაგან კი, შრომის უბნებში, ისმოდა საყვირების ძახილი, და ამ დღეს ჩვეულებრივად ტრიალებდა დაზგები და მოძრაობდა მანქანები. იყო საერთო შრომა და საერთო სიხარული.

სკოლებში პიონერთა კოლექტივების ხელმძღვანელობით იმართებოდა საბავშვო, ანტირელიგიური ხასიათის, დღეები. წარმოდგენისა და მოხსენების შემდეგ პიონერები ლექსებს კითხულობდნენ. სკოლის შენობა მორთული იყო საამდღეო პლაკატებით და წითელი დროშებით.

უკვე ოთხი საათია და მუშაობის დრო გათავდა, მაგრამ ხმაურობა და მოძრაობა მაინც არ ნელდება. და უცებ განაპირა უბნებიდან მოემართება მუშათა რიგი, მათ უკან კომკავშირელები და პიონერები მოჰყვებიან. ისმის მუსიკის ხმა და მასთან შეწყობილი მუშათა სიმღერა. პიონერებს მოაქვთ პლაკატები, რომლებზეც მსხვილი ასოებით აწერია: „გებრძოლოთ სიბნელეს და რელიგიას“, „რელიგია მშრომელთა მტერია. სასტიკი და შეუბრალებელი იერიში მის წინააღმდეგ“, „შობის დღესასწაული ლოთობის ფუძეა“, „ერთი წუთიც არ დაგვარგოთ უმიზნოდ“, და კიდევ მრავალი სხვა.

და ასე საღამომდე მდინარებდა დემონსტრანტთა რიგები, იყო დაუშრეტელი ენერგია და აღტაცება.

ეკლესიები დაღუძმა! სასტიკად დამარცხდნენ რელიგიის მქადაგებელი.

საღამოს მწყობრი რიგები კვლავ მუსიკის დაკვრით, „ვაშას“ ძახილით და სიმღერით გაემართა შრომის უბნებისაკენ.

ასე ჩატარდა შობის დღესასწაული ტფილისში.



თამაშობანი

1. მსროლელები

მოთამაშეთა რიცხვი: 10-15.

მოთამაშეთა განაწილება მოედანზე: მოედნის ერთ მხარეზე თოვლისაგან აკეთებენ ბოძს, სიმაღლით ერთ მეტრამდე, რომელზეც დიდ ბურთს დასდებენ. ბოძიდან 8-9 მეტრის მანძილზე გაავლებენ ხაზს, რომელთანაც დადგებიან მოთამაშეები.

თამაშის აღწერა: რიგ-რიგობით თითოეული მოთამაშე ხაზიდან ვატყორცნილი თოვლის გუნდით ცდილობს ჩამოაგდოს ბურთი. თითოს აქვს მხოლოდ სამჯერ ვატყორცნის უფლება თუ რომელიმე მოთამაშემ ჩამოაგდო ბურთი, იგი ასწევს ხელს ზევით და დაიძახებს „შესდე!“ მოხვედრისთანავე დანარჩენი მოთამაშეები გარბიან და ვაიჭებენ ბურთს მთელ მოედანზე. „შესდე!“-ის დაძახებისთანავე ყველანი მყისვე შეჩერდებიან. მოთამაშეს, რომელმაც ბურთს გუნდა მოარტყა, უფლება აქვს სამჯერ ესროლოს თოვლის გუნდა რომელიმე მოთამაშეს, ხოლო ეს უკანასკნელი ადგილიდან დაუძვრელად ცდილობს გუნდის აცდენას (დაიკუზება ან გადაიხრება გვერდზე, ხოლო ადგილიდან ფეხის გადადგმის უფლება არა აქვს).

თუ მსროლელმა მოახვედრა ვისმეს გუნდა, ის, რომელსაც მოხვდება, რიგში სულ უკანასკნელად ესვრის ბურთს მიზანში, ხოლო მომხვედრებელს ეხიკება ისევ ყველაზე უწინ ტყორცნის უფლება. თუ მსროლელმა ააცდინა გუნდა, მაშინ იგი ყველაზე უკანასკნელი იქნება რიგში.

თამაშის წესები: 1. მსროლელმა ხაზს არ უნდა გადააცილოს ფეხი.

2. მოთამაშეთა გაქცევა და მოედანზე გაფანტვა მხოლოდ ბურთისთვის გუნდის მოხვედრების შემდეგ შეიძლება.

3. როდესაც ვაისმის ძახილი „შესდე!“, მოთამაშენი მყისვე უნდა შესდგენ ადგილზე.

4. გუნდების მიზანში ტყორცნა რიგ-რიგად წარმოებს.

2. ბრძოლა დროუისათვის

მოთამაშეთა რიცხვი: 10-40.

თამაშისათვის საჭირო ხელსაწყოები: 1. თოვლის კედელი 1 1/2 მეტრის სიმაღლე და სიგანით 4 მეტრ-
2. თოვლის გუნდები, 3. წითელი ალამი (ბაირალი).

მოთამაშეთა განაწილება. მოთამაშენი ორ ჯგუფად იყოფიან. ერთი ჯგუფი მოთავსდება კედლის აქეთ, მეორე კი 20 ნაბიჯის მანძილზე კედლის იქით, სადაც მოხაზულია მათი ბანაკის საზღვარი.

თამაშის აღწერა: ის ჯგუფი, რომელიც დამალულია თოვლის კედელს აქეთ, ყარაულობს ალამს, მოწინააღმდეგე ჯგუფი კი ცდილობს წაართვას მათ ალამი მოწინააღმდეგე ჯგუფები ერთმანეთს თოვლის გუნდებს ესვრიან. მოთამაშე, რომელსაც მოხვდება გუნდა, მოკლულად ითვლება და თამაშიდან გამოდის.

თამაში დამთავრებულად ითვლება: 1. თუ რომელიმე ჯგუფის ყველა მოთამაშე ამოწყდება.

2. თუ მოთამაშე, რომელმაც ხელში ალამი აიღო, მოჰკლა მოწინააღმდეგე.

ის ჯგუფი, რომელსაც ყველა მოთამაშე ამოწყდება ან მოუკლავენ მოთამაშეს ალამით ხელში, წაგებულად ითვლება.

თამაშის წესები. 1. ალამის დამცველ ჯგუფს არა აქვს უფლება თოვლის კედლის წინ გადმოვიდეს.

2. ვიდრე თავდამსხმელთა ჯგუფის მოთამაშეები თავისი ბანაკიდან ფეხს არ გადმოაბიჯებენ, დამცველებს არა აქვთ უფლება ესროლონ გუნდები.

მ. გორგაძე